

分疆錄

江蘇省圖書館藏



溫州府圖書館



分疆錄卷之九

邑人林 鶚纂輯

男 同里董憲 用霖續編

人物下

孝婦

宋

林孝婦柳氏

平陽莒溪農家女及笄失父母一弟幼

畢乃適四溪林永年善專舅姑姑歿舅老患足瘡

痛徹骨手不可近婦躬為洗濯敷劑三年不愈羸

甚忽遇異人語曰此毒極難治惟醋和藥口含吮

之可愈不然必死婦如言日吮之數月果愈蔡元

康評之曰昔人吮癰舐痔或利而為之未必發於

分疆錄

卷之九

人物下

孝婦

一

宋



世為平陽宦族傳見府志又國史館學士曾堅為作孝感感誌載林氏譜按府誌誤作居莒溪

薛氏林孝姑

四溪人名元佳柳孝婦四世女孫生有至性童年聞家人述孝婦事思之不言

不食終日私語諸姊曰為女子不當如是耶自是

事父母彌謹及長婉順逾常母疾亟藥不愈私割

左臂肉入藥而瘳適平陽宣敎郎監臨安府稅務

薛居大奉姑盡孝年三十夫卒於官夫兄欲奪其

志弗許終身不出堂戶姑病復割右臂和藥以進

姑亦愈人皆稱其誠孝按府誌居大誤作歸大

明

曾孝婦張氏

小溪曾文業妻年十八而寡事舅姑誓無他志舅疾篤氏焚香叩天割臂肉煮

羹以進病尋愈後姑復病篤氏割右臂暈地眾婦

驚救始甦氏開目曰急持煮粥進姑我無害也從

之姑復愈姑年七十五氏年四十五共撫孤可立

可權成立而歿鄉里嘉歎縣學皆給扁表其門

國朝



林孝婦陳氏

三門洋農家女及笄歸篠村林學九九

者皆代勞焉姑病劇侍奉不離頃刻病益危陳惶

迫思無可療遂燕香禱天私刲臂肉烹以進姑病

張孝婦馮氏

邑人張正樵妻樵家貧糊口四方氏勤

病氏刲臂和粥以進姑病遂瘳

潘孝婦林氏

羅峯監生潘架妻世家女知大體及笄

惟姑在堂架不能治家惡少欺誘家遂落林持之

以儉姑有潔癖以他人為汚凡事必使林林曲意

夏孝婦周氏

莒岡夏夢庚妻庚祖母張以節著庚早

為撫摩吮毒靡不至及卒殯葬盡禮訓

子以義方人咸稱其有張氏遺範云



林孝婦章氏 仕洋武學生林桂芳妻孝事舅姑武應

益舅復到臂和藥以進舅病立瘳長 天願減算以

董孝婦林氏 監生林崇理女適城南生員董正持持

之極孝姑晚年多病氏侍疾不避穢褻日夕奉養 旌 並不諉諸妯娌卒年五十八同治五年以節孝請

宋氏孝女 名阿芝宋氏世居城西門祚式微父母相

告天私到臂肉肉飛起墜地女喜以為有神助調

羹進之父少聞未幾父死女呼天搶地欲觸棺以

殉眾扶掖之誤觸臂傷血溢襟袖母為解祝 始知之為敷藥焉詩人董霞樵為詩紀其事

宋

烈婦



林烈女

泗溪人，斬柴戰死。女在署聞變，引刀自刎而死。

國朝

林烈婦夏氏

小字雲芝，莒州廩生夏居敬女。適篠村

極婉順，鑑病瘵將死，剪辮髮授夏曰：汝守耶，囊髮為伴。如我在側，嫁耶則還吾髮。入棺，夏敬諾及殮。

家人覓髮，急夏以夫命告羣，以全義爭之。夏一慟，泣血遂解囊附尸，不復哭。蓋死志決矣。既殯，乃出首飾衣物分贈嫂妹，妯娌家人窺其意，謹防之。一日得閒，登樓雉經死去。夫死才月餘，是日村人見其家屋脊有赤雲，上升疑火趨視，則夏盡節處也。嗣子庠士穎咸豐間請旌。

周烈婦王氏

庠生王植女，坊隅廩生周崧繼室。崧年

少懈疾，亟剖股和藥以進。夫卒，痛不欲生。一日早晨，自投後園井中，一身素服，內外密縫。家人哀其

志原，衣履以殮。卒年二十一，距夫亡二十九年。九日教諭王紹典為之傳，咸豐元年請旌。



王烈婦楊氏

赤砂王世瑜妻瑜故世家子少年好博  
楊力諫不改家遂落一日博大負無所

償謀鬻婦楊覺之乃聯縫內外衣襟  
縊死瑜後流落江湖無後故未請旌

吳烈婦周氏

家貧欲令再醮周覺之遂自縊而死  
戩洲吳希言妻年三十五夫亡伯叔以

柳烈婦夏氏

莒岡夏某女性婉婉貌美而志貞父與  
大安博徒柳某善遂以女許柳子嫁時

柳已死夫情農不能餬口二小叔皆無賴呼朋聚  
賭於家無內外狼狽艱難母憐之招女歸苦貧不

能養乃謀於近村南嶠山中使壻誅茅種地為活  
已生一子未幾二惡少復來欲與兄同居夏抱子

歸母家日一餐不飽既聞二惡少他往始歸家不  
數月惡少復來與兄謀龍泉富人欲買妾售之可

得數百金已有成約夫貪多金許之覓輿將縛以  
行夏覺抱子逃里許置子於路將躍入水兒啼呼

母心不忍坐際頭顧兒而泣瞥見夫追至遂縱身  
墜際下碎首折肢而死時母家二弟幼寃遂莫白

葉烈女

名巽妹流寓慶元庠生葉藻女少許字戩洲  
吳道一壻家貧父母相繼逝未有以聘也女



母以愛女故謀退婚吳從之  
女朝夕涕泣不已母  
浼鄰婦勸之  
女曰妾已為吳配烈女不事二夫  
雖富貴不願也  
母卒不可女遂自經  
死時年十九歲  
同治五年請旌

錢烈婦葉氏

儒童錢福熙妻  
年及笄歸錢未幾熙病  
危氏封股肉以進卒不起  
熙歿氏不勝

哀勸遂以身殉無子  
以克公子為嗣未旌

節婦

宋

庫村吳子友妻王氏

年十九適吳逾年生子泰和而  
子友卒氏矢志撫孤事舅姑盡

禮泰和稍長諭之曰汝父負大才不遇早逝所恃  
以發先人光者惟汝朝夕督課不懈泰和承母訓

登上第仕至處  
州守氏封安人

仙居徐彙妻王氏

黃巖主簿王宗悅之妹夫早卒無  
子撫族子約為後孀居守志備歷

重錄

卷之九 人物下

四



艱難卒能不替家聲人咸以為難

淮士徐諒妻張氏

諒早卒僅遺一女立姪穉為嗣孝養舅姑喪葬盡禮力持門戶孀居

五十載如一日苦節之貞人無閒言

庫村吳璟妻林氏

天麟女孫名廉璟歿廉年甫十七遺腹生子荃與姑胡相依撫孤會

值寇亂都市民因緣為奸覬覦吳質欲奪林志廉抗節不可撼遂謀殺孤廉棄家挾孤走平陽山中匿族人家險阻備嘗卒勵子成立年三十九卒荃後為名儒見宋濂吳門三貞墓版文

明

庫村包均璧妻吳氏

夫亡遺孤三歲氏代夫奉親克盡婦道撫子成立正統五年仇

家妾報充吏役於瑞安氏痛子遠羈訴於邑邑侯鍾公沔矜而釋之且賢而加卹焉邑人張慶陽為包節婦傳甚詳夏存復為節婦吟紀之



曉峴林文白妻包氏

年十九文白卒子瑄甫周歲父

入母門三十餘年事舅姑盡禮撫孤成立

勤儉持家不墮基業鄉人稱之曰女丈夫

龜巖張錙妻繆氏

年二十二夫亡子雍甫三歲氏誓

不再適事舅姑惟謹子長教以義

坊隅王惟讓妻吳氏

年二十一讓死月餘生遺腹子

舅姑葬祭盡禮撫孤成立克承基業年七十五終

有司上其事嘉靖十九年詔旌其門隆慶五年巡

生員林哲妻朱氏

哲曉峴人亡時氏年十九孀居四

大學鄉人稱之嘉靖二十六年詔旌其門隆

莒岡夏祥季妻林氏

姑相夫力學祥季早世遺孤尚



穉遺腹復生一女氏忍苦撫育鄰鄉吳某豪族也慕其姿性謀於夏之無賴欲強奪其志氏誓死剪髮明貞卒全其節以壽終

庫村吳儒妻包氏年二十一夫故孀居誓無他志善先業內外罔有閒言

北隅鮑綵妻董氏年二十九夫亡遭火將延及夫柩風而免家貧甚敗幃瓦缶四壁蕭然莞獨立苦心教子子喬著聲庠序官吉安府學訓導

北隅鮑杉妻徐氏事舅姑孝謹年二十二夫亡遺腹業孀居三十餘年內外稱賢

曉峴林道序妻徐氏嘉靖三十五年秋有盜劫村鄉格鬥重傷致殞徐年甫二十餘長子鳳來尙襁褓次子鳳巢在孕徐矢志守義事上撫孤不墮家聲



苦節四十年如一月  
萬曆十七年請旌

坊隅林商妻董氏

商早卒遺孤尚幼伯叔凌逼欲其改氏曰吾夫止此塊肉嫁而產

沒此子無生理矣乃截髮示無改志勤苦萬千卒撫子成立以壽終郡縣皆有獎

邑民林賜妻徐氏

年二十九夫亡姑毛氏以慟喪明氏奉之晨夕不少懈有勸其改適

者輒正辭斥之姑享年百歲撫子口成立壽六十四

生員王良仕妻魏氏

仕坊隅人卒時氏年二十二遺腹三月生子衆有疑之者氏恚

曰婦不二天而忍為禽獸行何顏見良人於地下自是閉門紡織撫孤成立享年八十四知縣林大

謨張南陽  
疊旌其門

坊隅潘廷珂妻陳氏

宜興縣丞陳顯道女珂患疾膿血臭穢氏躬侍湯藥經年不倦

珂死悲慟欲絕自矢靡他告廟立姪承祀緝蘊訓讀非如姬不得一面及子入學日而今而後或可



見良人於地下  
矣壽七十有一

高陽劉隆濟妻毛氏

年二十六夫亡長子概甫三歲  
次子攬在孕六月氏矢志忍苦

食貧教子俾之成立守節垂三  
十年嘉靖庚申卒年五十六

高陽劉朝爵妻王氏

年二十餘夫歿苦志撫  
孤子光輝光理皆成立

高陽劉光哲妻吳氏

年二十四而寡遺孤尚在襁褓  
值世亂萬苦備嘗矢志自全卒

能撫子成  
立以壽終

戩洲吳仕安妻王氏

年二十四夫歿子朝篤尚襁褓  
苦志孀居撫子成立壽九十

四而卒至今  
子孫蕃衍

戩洲吳朝祚妻周氏

祚早世氏矢志靡他為夫立後  
孀居數十載如一日卒年八十

坊隅潘世志妻夏氏

崇禎三年世志以邑掾赴部選  
歸經景甯死於賊夏年二十有



四二子尚幼初念欲從死服毒氣垂絕翁覺解我  
得甦泣諭之曰尔若是即不念吾老其如諸孤何  
夏間命強起辛勤搽作仰事俯育竭力持家後長  
子孟詩力耕供職次子孟禮讀書遊庠並能不替  
家聲氏卒年五十八

國朝

莒岡夏啓卓妻張氏夏大華妻陶氏均均以夫早卒守  
義完節撫孤有

成陶氏獨事邁姑誠孝尤為人所難

莒岡夏允迪妻葉氏孝親敬夫能執婦道夫歿年尚  
少遭世亂一子一女均不育完

完節自守完節以終

坊隅職方司主事周家偉妾劉氏偉歿時劉年二十  
六子奕燈方四齡

毀容茹苦守志數十年長孫王郊早世媼某氏  
年十九亦守志善事舅姑越十有五載而卒



莒岡夏允伯繼室包氏

夫卒氏年二十二子尚幼氏性烈欲以死殉母諭以存孤

為重乃矢志守義以教以養需成立焉

廩生劉光璉妻袁氏

璉早卒氏守志撫孤大璉訓督成人安葬舅姑完節以壽終

高陽劉光球妻陶氏

年甫逾二十夫亡二子一女均幼氏苦志教養俾之成立婚嫁

咸擇名門不墜家聲子大受大偉

坊隅胡太詩妻林氏

康熙耿逆之變父貢生胡惟廩挈家避亂山莊大詩以溺死氏

年二十五舅已老子有恒尚幼氏事舅撫孤艱苦備至寇退旋里舅亦卒氏拮据喪葬盡禮課子力

學遊庠守節五十年如一日學使郡縣皆旌其門

坊隅胡大展妻林氏

賢而無子大展歿林年三十六

持嫁之林遂躬親撫育家貧役重旦夕恃紡績為生教子嚴而有法常勗以讀書為善後有璋有



庠序學使馬公豫  
以晚節劬勞旌之

坊隅潘仲槐妻夏氏潘仲李妻林氏

槐李俱早世夏年二十六林年

二十九家惟薄田數畝共矢靡他備嘗艱告三十餘年撫孤成立時人稱雙節齊芳云

儒童梅元棣妻林氏

篝燈佐讀望夫成名元棣學成而天氏年二十九兵燹後田園

盡蕪追呼煩擾氏苦持門戶督子力學勉完婚娶長子玉瑄幼子崑孫枝張枝純相繼遊庠人謂林氏四十九年苦節之報云

諸生高聯霞妻夏氏

夫死氏年二十七子深方周歲家業凋落紡績為生上事翁姑

下撫孤子艱苦備至子業儒遊庠苦守三十四年而歿閭黨稱賢

防隅胡大溥妻葉氏

年二十而寡翁姑已老遺孤有裕方周歲氏竭力奉親生養殯

葬有人子所不能盡者延師訓子不恤艱難見子成立遊庠而卒



生員王煒妻梅氏

年二十九而寡幼孤在襁褓遺薄田二畝饘粥不敷辛勤十指苦茶

備嘗孳孳教子及子一夔入學猶訓策不衰孀居三十餘年閭里稱完節焉

東溪蔡世久妻陳氏

久早世陳矢柏舟志撫孤成人享壽逾七十邑令王公吉人旌

以玉潔冰清

生員夏茂梓妻張氏

年二十五夫歿立姪士雲為嗣撫育教誨食餼於庠守節六十

五年見孫夢庚成人婚娶年九十壽終學使汪公於以額曰柏揆松齡

生員潘秉天妻夏氏

夫早卒遺孤宏琢宏璵俱幼氏矢志撫育教誨成人為時名士

孫入人學魯學鄒尤為一邑人望人咸謂為苦節之報云

生員王立經妻周氏

適王六載而夫歿氏年甫二十七哀毀忍死撫幼孤紡績為活

苦支門戶教子讀書肅若嚴師如是者十五年子盛忠能承母訓為儒學生



生員饒宗烈妻吳氏

夫歿氏年二十有四遺孤聖忠在襁褓家業中落氏紡績縫紉

佐以勤儉君舅賓臣不廢義舉氏委曲承志未嘗告匱舅歿喪葬盡禮訓子讀書遊庠家亦漸裕閭

里交稱之

坊隅王念臣妻葉氏

年二十有一夫亡家無寸土誓不再適事舅姑孝養兼至歿後

殯葬盡禮語幼子曰吾今可告無憾於爾父矣乃攜子歸外家就食子既成立猶勤紡織辛苦四十

餘年前邑令曹紳表其閭

塗山包茂貞妻何氏

年二十四夫歿遺孤尙臻在抱家貧無期功親氏辛勤紡織度

日立志教子讀書成人以能文名鄉里稱賢母焉

生員林茂麟妻董氏

年二十四夫亡撫幼孝姑學使雷給熊丸積慶額

拔貢包惟儼妻張氏

儼家清貧積學能文氏以紡績資膏火年三十守志教子遊庠



邑人陶九瑩妻夏氏 年二十六 夫亡守志

邑人陳魁春妻夏氏 年三十 夫亡紡績 度日教子義方

邑人卓文純妻王氏 年二十五 夫亡守志 家貧養姑 夫弟圖利將嫁之 氏毀容乃免

邑人饒世佐妻夏氏 年二十 夫亡守志 家貧紡績 度日孝養老姑 教二子讀書 成立

邑人徐士炎妻夏氏 年二十四 夫亡守志 舅病親奉 湯藥 割股以療之 教子遊庠 學

使雷公給孝慈貞淑 額旌之有坊在洪口

邑人吳正璣妻羅氏 年二十六 夫亡子生 月餘家 貧如洗 紡績度日 撫孤成立

邑人薛開春妻林氏 年二十八 夫亡遺一女 矢志撫育 守節無間

邑人林茂季妻薛氏 年二十一 夫亡家貧 無計遂 依母同矢 冰霜教子 遊庠

邑人吳士瑛妻周氏 年十八 夫亡生子甫一月 矢志 守節 紡績課子 數十年如一日



邑人胡永詔妻董氏

夫亡氏青年守節  
舅病嘗割股療之

生員王翰妻曾氏

年二十一夫亡孝事舅姑撫周歲  
家貧苦守邑令給額以旌之

儒士劉士達妻張氏

青年守志前夫令李公汝  
麟以節凜冰霜表其間

坊隅王盛鎬妻夏氏

夫亡矢志撫孤成立建坊旌表  
莒岡生員夏正璋女年二十二

董門二節

生員董士推妻梅氏年甫二十夫亡氏矢志苦守孝事舅姑撫三子成立皆讀書遊

年十七適董閱七年夫亡氏哀慟欲殉既念姑老  
子幼勉起事姑訓子署邑侯李公基生重其節以

冰心丸訓額旌年七十五卒子懋瑛孫得雙曾孫  
浩正濤俱邑庠生累世書

香不替二節均請旌表

梅門二節

生員梅枝秀妻夏氏年二十二夫故與妾  
鄭氏同心矢志撫周歲子成立人並稱之

生員王立行妻夏氏

年二十七夫故家貧紡績度日  
姑痼疾久卧床蓐氏侍奉湯藥



晨夕不懈撫子成立亦遊於庠歷任邑長咸欽獎之督學雷公旌以陶範芳徽匾額

生員吳鼎魁妻陶氏鼎居鄉以孝義稱年三十二卒陶甫逾笄矢志撫孤成立守節

三十四年學使竇以孤鵠同貞表其門

王盛銘妻胡氏年二十七夫亡孝事姑撫子成立

邑人吳惟庚妻王氏年二十二夫亡撫育幼子孝事舅姑教子遊庠學使竇給衛燕

齊芳額邑令楊公人傑給熊丸媿美額旌之

生員包惟雷妻林氏年二十八夫亡事舅孝謹撫孤成立邑令楊公旌以節孝流芳

生員梅枝文妻徐氏年二十六夫亡撫孤成立邑令楊公人傑給以節孝可風額

監生張正暉妻柳氏年二十八夫亡撫子娶媳後復

於庠邑令楊公人傑以冰清玉潔額旌之



坊隅周京瀚妻楊氏

年二十五瀚病危氏割股肉以救瀚卒幾以身殉姑諭以撫孤

大義乃矢志守貞侍翁姑惟謹苦節五十餘年壽七十九卒子啓槐道光間旌

儒童林英山妻夏氏

年十九適林閱六月夫亡氏矢志靡他撫姪為後年三十三卒

臨歿屬以夫故衣為衾以殮詩人董旂有詩紀其事

仕陽章有鄰妻鄭氏

霞浦鄭維壽女年二十九夫歿矢志撫孤教子女嚴而有則邑

侯劉公乙然以勁節凌霜表其閭

監生陶守成妻嚴氏

年十九歸陶舅姑已歿氏內搽井曰外襄家政年未及三十而

寡子聖傳甫九齡孳起家庭頻遭魚肉氏吞聲矢志教督孤兒需其成立苦持門戶垂數十年迨孫

鑄化龍等兄弟四人出家道蹶而後振曾元濟濟蜚聲庠序人以爲苦節之貽道光間建坊旌表

監生陶守麟妻林氏

裏莊林紹昌女性端貞嫻內則適陶夫早世守志育幼姪為後



與守成妻嚴同心相  
依門戶肅然無間

儒童周夢旦妻林氏

監生林方偉女年二十九夫故  
矢志撫二孤孝養高堂翁姑既

歿乃歸母家中年以後二子相繼亡外  
家亦中落氏紡績自給苦節四十九年

三門洋儒童陳定璿妻陶氏

年十九璿歿父母悲慟  
欲絕陶忍痛慰之曰媳

在卽兒在毋過哀以重亡者罪翁曰汝有志乎對  
曰兒心已決可毋慮也時璿兄弟已析居陶薄田

數畝艱苦自持口夕奉翁姑盡孝撫夫胞姪聖毓  
為嗣教育克盡母道毓本生父亦中年卒臨歿謂

妻楊氏曰我死汝必嫁毋母子坐斃也歿後陶邀  
楊共爨家益窘弗悔楊由是撫子無他人稱其節

能推賢云卒年八十有四  
咸豐年間旌表建坊

戩洲吳世振妻陳氏

振家貧抱病三年陳忍苦調養  
不少懈振歿矢志撫子日以紡

織佐饗殮子希  
潮等賴以成立



戩洲吳希良繼妻陶氏

年二十八夫亡原配遺孤正

子正樸俱幼陶一體撫育安貧自守垂三十年正

心歿於異地骸骨未歸陶命正樸多方覓之以歸

葬焉尤為人所難云

四溪林光仲妻王氏年二十一歲故守志撫孤成立壽

請旌建坊

戩洲吳文碧妻周氏

貞生周啓豐女年十九歸吳奉

四歲一門寡弱族人多魚肉之氏情恕理遣曲為

防護子就傅教以力學從善督策甚嚴嘗謂妯娌

曰子孫不宜姑息倘不才詒先人羞不如無也

其明達知大體尤為婦人所難咸豐二年旌

翁山翁有恒妻林氏

蘇村林正初女年二十四夫病

草慮家貧遺孤失所林嚙指誓

曰此責在妾當無貽君地下憂夫既歿毀容忍苦



良綽秉母訓卒以勤儉起家道先十二年旌表建坊

監生吳世楫繼室胡氏

楫原配賴遺女二氏視如已出後亦育一女而夫歿氏年

二十九事舅姑曲盡婦道嫁三女咸得所既而舅病篤氏亦以勞瘁成疾聞舅沒強起慟哭氣垂絕以救而甦及歿復大慟失聲仆地遂不起人咸傷之咸豐二年請旌

戩洲吳希商妻高氏

夫早世家貧養殮不給氏恃十指度活忍苦撫子卒全貞節

儒士高應梁妻林氏

庠士林廷燎女笄年於歸繼姑某氏性嚴厲林事之曲盡孝道

梁早卒苦志撫二孤不事姑息教以義方稍長遣之讀書外家學行有成子步蟾入邑庠品學純粹尤為一時之望

贈徵仕郎廩生林崇城妻黃氏

汀州黃子慶女年三十三夫故時嫡陳氏

已先卒遺孤遇春方五齡黃生子逢春對亦俱幼矢志奉舅姑克盡恭敬撫育三子慈愛一體勤勞



備至諸子既成立咸洩洩母側色養無閒壽八十九考終贈七品孺人

廩生曾璜妻董氏

廩士董紹高女鄉賢復齋先生家婦也自幼習聞詩禮及笄歸曾克

盡婦道初育二女璜以秋試卒於杭喪歸董慟欲絕君舅勸諭再三始強起孝謹不苟笑言苦守數

十年以壽終立姪為嗣咸豐元年題請旌表

裏莊羅仁佑妻韓氏

年二十三夫亡子昌榮尚襁褓氏矢志撫育孝事舅姑苦節三

十年迄今子孫蕃衍同治初建坊旌表

莒岡夏慶樹妻陶氏

葛洋陶玉瑞女年二十七而寡子衍津甫周歲氏上事遵姑下

撫孤兒外事聽之兄公躬持內政門戶肅然學憲杜邑令歐陽均有旌獎道光三年題旌建坊

贈徵仕郎林起顯妻章氏

有至性知大義夫早歿守志撫孤以讀書為善訓迪

不事姑息支持門戶周恤戚黨貧隣咸德之以子兆雷贈孺人



樟坑楊文高妻劉氏

青年守志撫子士愷成立嘉慶九年旌表建坊時年已七十餘

四世同堂

四溪王國佐妻曾氏

年二十四夫歿遺孤秉書尚幼秉璋始生姑年邁多疾奉湯藥

必周舅患足瘡躬為洗滌扶持不少懈訓二子皆成立嘉慶年旌表建坊

曉峴林日杲妻徐氏

年三十杲卒氏矢志撫孤孝慈兼盡歷久周渝年八十一歲卒

大安林鎬山妻劉氏

年二十六夫歿矢志自守事上撫孤各盡其道苦節四十六年

遺孤奇崧道光年間請旌建坊

藤澗林崇昭妻高氏

年二十二夫歿守義撫孤食貧忍苦四十年子明書明義秉母

訓皆為良農同治十二年請旌

樟坑楊聖莊聘室林氏

貢生林蔚山女幼許字莊未嫁莊卒女聞訃請於父母往



臨其喪哀毀異常視殮成服入執婦道靡不盡禮越七年以疾卒於母家嗣子世仁雲翔

篠村林學湖妻陳氏

庫生陳國梁女性貞靜識字明大體歸林九閏月夫卒幾欲身

殉翁姑慰諭始解色養如初閱歲夫兄某夫婦俱卒遺孤正寶甫周歲陳撫寶母之以慰翁姑閱十

二年夫季弟生子瓘乃撫之為夫後教督二子成立如同胞焉咸豐元年旌表

五島陳世祿妻楊氏

年十七適世祿閱四歲夫亡子幼釜餓俱母世祿將死以貧甚

微探其意氏對天自誓取世祿髮繫於指至歿不去卒年七十二同治五年請旌

林舉林守官妻夏氏

年二十七夫歿守志撫孤苦節四十年

林舉林守勤妻夏氏

年三十夫故忍苦守志孝舅姑和妯娌撫諸姪如已出年六十

八卒嗣子監生廷森均請旌建坊

生員吳楠妻張氏

庫士張麟英女年十九歸吳事舅姑咸得權心年三十三夫歿遭家



多故苦志撫孤始終一節八  
十三歲卒咸豐二年請旌

儒士吳開姓妻林氏

笄年於歸事繼姑曲盡孝道夫病嘗藥禱天誠勞備至年二十

五夫歿遺孤正俊尙在襁褓  
忍苦教養成立同治九年旌

戩洲朱朝楓妻吳氏

年三十夫歿遺孤日儉十一歲次日林甫數齡矢志守義貧甚

侍十指為生年五十  
三卒二子皆克家

七都林世貴妻孫氏

年十六歸林三十夫亡四子二女俱幼依夫兄弟忍苦守志清

節五十年八十二歲  
卒同治十二年請旌

東溪蔡學淵妻劉氏

年二十五夫亡守義事姑盡孝遺孤振西甫四歲教養成成人勗

以力學有聲於庠咸  
豐元年請旌建坊

翁山翁孔陶妻夏氏

郡庠士夏日炳女笄年適陶陶兄孔育不才家益貧夏相夫忍



苦操作以奉姑一子方五歲而陶歿陶兄不待免  
喪卽欲嫁之值姑亦歿乃歸依母家時父已卒且  
無嗣母貧又值歲饑遂挈女及甥就食於長女家  
後七年母歿長女夫林鶚謀於翁族及翁舊戚歛  
貲足養其母子乃送之歸於翁氏教子勤謹始終  
清節人咸稱之年五十六卒族人爲請旌表

儒童吳惟哲妻周氏

監生周恕堂女生有至性知大

孤二長庠生伊惠甫五齡一門寡弱族人無相恤  
者氏苦持內政曲爲防護子稍長遺之讀書課督  
謹嚴鄉里賢之壽六十  
十有六道光年請旌

篠澗周馨妻曾氏

廩生曾省三女年二十四夫亡  
守志清節三十餘年嗣子振莊

篠澗周漢緯妻季氏

貢生季正濬女年二十八夫亡  
矢志撫孤成立苦節爲人所難

壽七十有六子以  
儼同治年請旌

贈修職郎陳範繼妻董氏

廩生董廷封女年二十八  
夫亡矢志守義勤事孀姑



撫孤有成居家節儉調恤親黨苦節三十餘年晚以子珽封孺人同治五年請旌表

吏目周牧繼妻吳氏 上稔吳用周女牧以州吏目謁選卒於京邸氏年二十七上事

姑董撫前室子異操孝慈均無間言壽七十餘及見孫曾相繼遊庠同治五年五月請旌表

廩生董廷詣繼妻吳氏 鄉耆吳世楠女年十七歸董常以未逮事舅姑為歎歲時

設祭誠敬有加閭十載夫歿忍苦食貧撫三子或讀或畊需其成立長憲曾選貢生同治五年請旌

監生董廷韶繼妻陳氏 附貢陳世醅女年二十七而寡守志撫兩孤葬兩世喪保

全遺業備極勞瘁年逾七十而終稱完節焉

武洋張守典妻夏氏 年二十一而寡善事舅姑撫幼姪承炳為嗣教育有方敬伯叔

和姊姒丙外翁然年八十二旌建坊

生員包文潤繼妻夏氏 年二十一于歸甫踰月而寡守志育前室子涵需其成立



咸豐二年  
請旌建坊

生員翁肇封妻陶氏

池村陶鑄女夫早亡無子撫姪  
正渭為後事上待下以敬謹聞

正渭娶張氏中年乏嗣命渭養胞姪學瑾為子踰  
年而渭卒兩世孀居苦持門戶為人所難同治年

請旌  
建坊

廩生王光寓妻陶氏

陶鑄季女年二十八夫亡僅育  
一女撫姪為嗣勤儉持家訓子

有成同治二  
年請旌

增生劉崇泗妻錢氏

年二十九夫卒一子尚樞守志  
教督成立壽八十五同治十年

請旌  
建坊

大安林明塾妻陶氏

年二十一夫亡遺孤附貢登青  
生甫三月守志事舅姑惟謹課

子讀書成立同  
治三年旌表



儒士周念緝妻夏氏

葛岡夏慶積女年二十一夫故遺孤作傭才二歲氏守志撫育

教督有方俾得成立咸豐元年旌表

仕陽林錦翥妻蔡氏

年二十三夫亡守志奉舅姑惟勤撫姪懋儀懋慰為後慰又早

世媳何氏守志撫姪福保為子並請旌建坊

生員潘學辛妻楊氏

坊有坊隅饒肇唐妻林氏

坊隅潘明善妻夏氏

坊有四溪曾心會妻季氏

四溪王國佐妻曾氏

坊有葛嶺王觀樂妻周氏

葛嶺王游泮妻鄭氏

坊有葛嶺王名縉妻李氏

篠村林文煜妻潘氏

坊有仕洋林起庭妻吳氏

武生陳步雲妻張氏

坊有牙陽季春芳妻吳氏



西隅梅載熊妻潘氏坊有

南隅董廷旭妻林氏坊有

生員陶 鎔妻潘氏坊有

莒岡夏起鵬妻吳氏坊有

畚庫吳家駒妻董氏坊有

畚庫吳家祥妻蔡氏坊有

仕洋胡景望妻陳氏

仕洋林懋慰妻何氏坊有

翁山翁京界妻何氏

翁山翁如岡妻林氏

戩洲吳一行妻王氏

坊隅王聖啓妻饒氏

仙居張思江妻夏氏

仙居張守峒妻林氏

莘陽林方濤妻蔡氏

戩洲吳開澄妻游氏

葛嶺王世瑞妻陳氏坊有

葛嶺王敦命妻包氏

戩洲吳正集妻林氏

牙陽歐聖禮妻毛氏



牙陽歐朝聘妻羅氏

生員歐朝庸妻鄭氏

泗溪包一純妻蘇氏

廩生包惟淳妻何氏

廩生包祈周妻林氏

泗溪包祈松妻張氏

泗溪包祈組妻王氏

泗溪包光行妻蘇氏

泗溪包光錦妻周氏

泗溪包光嵩妻顧氏

石門包光璨妻林氏

泗溪包光滙妻黃氏

生員包上教妻蔡氏

泗溪包上登妻林氏

東溪蔡學廉妻張氏

生員張道儲妻董氏

沙底楊孟繼妻王氏

南隅董道恂妻吳氏

翁山翁孟壘妻夏氏

武洋林文定妻張氏



篠村林 綱妻董氏 池村陶朝鑑妻吳氏

生員楊泰巖妻劉氏 樟坑楊聖卓妻周氏

武生楊 青妻王氏 樟坑楊士上妻吳氏

洲邊吳仁華妻王氏 南隅董文幬妻潘氏

監生陳嵩孚妾賴氏 洲邊范邦源妻陳氏

洲邊范中權妻毛氏 三都林呈高妻季氏

翁洋毛應恭妻林氏 翁洋毛光耀妻包氏

翁洋毛光佳妻吳氏 莒岡夏昌運妻繆氏

莒岡夏君瑋妻林氏 莒岡夏正奮妻張氏

增生夏步瀛妻曾氏 員洲高盛祿妻潘氏



一都吳忠勳妻林氏

生員王 莪妻陳氏

一都王光旼妻金氏

監生陳肇冕妻胡氏

監生陳濟時妻吳氏

一都陳肇華妻潘氏

一都陳宏錦妻林氏

一都王恩綬妻陳氏

生員王聖禮妻夏氏

翁山翁孔植妻毛氏

翁山翁拱祿妻陶氏

生員林 璫妻梅氏

篠村林正珩妻陳氏

東溪蔡起父妻歐氏

夏士璫妻包氏

吳世愈妻賴氏

吳惟林妻徐氏

吳文秀妻王氏

劉天培妻胡氏

吳兆蔭妻葉氏



在城吳自明妻潘氏

陳揚翰妻劉氏

百嶺董國錢妻周氏

棠坪錢家球妻張氏

鄭福豪妻吳氏

陶耀長妻徐氏

坊隅潘聖沅妻林氏

陳世琪妻徐氏

鄭威圃妻吳氏

許朝祥妻王氏

周時彪妻鄭氏

鍾康福妻秦氏

周廷鼇妻秦氏

林文濶妻周氏

翁繼松妻葉氏

曾文華妻齊氏

潘學鎮妻梅氏

坊隅盧翔九妻吳氏

陳善長妻王氏

葉逢泓妻林氏



坊隅徐成桂妻韋氏

謝宗善妻王氏

仕洋齊正惠妻饒氏

楊士文妻徐氏

後洋王聖化妻林氏

篠村武生林光宗女苦節五十餘年

牙陽何家盞妻歐氏

牙陽季光昕妻何氏

牙陽季春芳妻吳氏

章家繩妻林氏

在城盧瑞麟妻陶氏

篠澗周以言妻曾氏坊有

蔡振計妻葉氏

王聖銘妻陳氏

李道堅妻潘氏

坊隅盧瑞鶴妻毛氏

儒士董顓繼室龔氏

從九吳忠告妻王氏

何宅洋吳厚祿潘氏

五島陳宏銘妻潘氏



裏莊周念綬妻陳氏

裏莊陳宏博妻吳氏

員洲吳聖榮妻陶氏

員洲黃世忠妻潘氏

員洲黃世良妻王氏

司前嚴齊桐妻王氏

溪口高名蛟妻夏氏

監生劉崇潔妻周氏

武生夏炳文妻陶氏

莒岡夏齊楚妻林氏

莒岡夏慶楨妻賴氏

莒岡夏衍觀妻林氏

莒岡夏衍序妻鄭氏

篠村吳奇豹妻潘氏

三都毛世柏妻夏氏

戩洲董正珪繼室王氏

戩洲董妻林氏

樟坑楊盛顛妻王氏

監生吳朝鏞妻潘氏

毛洋毛振綸妻張氏



大安林典煊妻吳氏

吳子亮妻舒氏

吳兆白妻楊氏

以上二十七名未旌

賢母壽母

明

張賢母吳氏

龜巖張以爽妻慈淑知大體撫繼子養孤姪如已出正統己巳山寇亂長子嘉

玟與劉傑

七有隙七入賊黨被獲庭鞠誣陷嘉玟幾羅重辟吳攜媳夏氏叩轅泣訴遂獲釋同被陷

十二人亦因得免

夏賢母葉氏

瑞洋儒家女莒岡夏一謨妻端莊嫻內則事舅姑孝謹繼姑性苛碎母能敬順

以得其歡相夫治家井井有條教諸子綦嚴舉動繩以禮法雖既責不少假子婦六七人朝夕定省



有常儀實不失縱嚴而有則門內肅然其族舊俗  
尚苟簡自是觀法姆儀內外化之即凡宴賓饋遺  
之儀咸取則焉子大廷大謀大寶  
大輝等皆以名顯遂為一時法家

國朝

林賢母葉氏

五都監生林徽猷妻年逾三十夫歿兄

忍不言但遺二幼子就戚家學獨力奉姑姑病癰  
起居食息須抱持夜數起視如是者十九年如  
日及二子皆婚娶遊庠乃請親友出分關收舊產  
付長子治外躬為治內十餘年積貲累萬二子鳳  
翔鳳苞孝友性成孺慕無間後母老得疾鳳翔衣  
不解帶者三年喪葬哀毀過情遂留宿恙翔苞皆  
能文篤行名著一時  
蓋由丙訓有素也

夏賢母潘氏林氏

潘質生學鄒女適莒岡監生夏維

夏故世家姑氏林性嚴毅潘侍奉婉至姑視之如  
子女訓子成立門戶肅然不隳家聲慶積妻林氏



裏莊監生林崇理女事姑盡孝相夫盡禮夫歿姑  
 婦相依為命忍苦支持三十餘年如一日二子二  
 女既長婚嫁俱擇名門戚族咸敬仰之均以年逾  
 三十格於例不得旌而清節誠足風世故特紀之  
 羅壽母陳氏 裏莊羅元森妻淑慎勤勞相夫訓子克  
 全婦道壽一百有三歲邑令楊公人傑  
 以瑞協坤貞 額表其閭

邱壽母賴氏 七都邱士琳妻生而端莊無嬌弱習逮  
 事祖父父母賢父母早以孝聞歸邱復逮

事王舅姑暨舅姑勤役膝下咸得歡心琳兄弟同  
 居調劑妯娌內外協和教子謹嚴以勤儉為法至  
 老猶督率子婦操作幾自忘為期頤人也壽百有  
 二歲歿之日二子二女皆白首哀慕如赤子孫會  
 繁盛五世同堂道光二十年  
 有司上其事給帑建坊

朱壽母鄒氏 三都朱仁忠妻年二十歸朱勤修婦職  
 事舅姑和妯娌歡樂備至好施與事事

能如其夫志忠壽八十餘卒母歲時享祀猶有戚  
 容年百歲無疾而終一堂五世孫佩程入邑庠有



司上其事給  
帑建坊

補錄列女

孝婦

四朝

張孝婦包氏

龜巖庠生張文雅妻四溪包祈楷女讀  
書嫻內則執婦道惟謹舅嘗得危疾治

罔效包割臂肉進之病遂瘳文雅歿二子長鵬飛  
次耿光尙擇教督有方皆成立耿光尤有聲於庠

董孝婦張氏

龜伏董選東妻張孝婦女也幼秉母訓  
投書能識大義尤好曹大姑女誠及笄

歸董上專三世重堂舅姑均得歡心夫有疾藥之  
日益深張禱天割左臂和藥已之祖姑王氏病危

復到右臂以進病亦逾王舅年耄病癱身任扶侍  
三載不懈生平大節咸為人所難能云

包孝婦饒氏

夫事舅姑菽水盡歡姑有疾藥之無效  
夫事舅姑菽水盡歡姑有疾藥之無效



饒判股和藥進之病立  
瘳夫倚之如兄弟焉

烈婦

明

王烈婦江氏

龜伏王曰瓚妻伉儷綦篤瓚病危願之  
曰我死汝奈何曰當不負君瓚既歿哀

慟視殮成服  
入室自經死

國朝

王烈婦李氏

仕陽王曰洪妻夫亡遺孤六歲夫兄以  
家貧謀嫁之議已成慮李兄弟阻之乃

以利啖其兄兄使其妻往勸之改志李  
知兄弟已無可恃遂入室自縊死之

張烈婦藍氏

仙居張世起妻年十六歸張十九夫卒  
無子矢志立後未半載翁姑合改適與

已在門自知不免從容入室  
梳洗更衣畢遂自縊於廁側



封烈婦王氏

龜伏封大水妻年二十夫亡未匝旬舅以家貧謀於其父將嫁之王知之竟自

縊於夫  
柩旁

包烈女

南嶠包有聰女許字武生翁占魁未婚魁卒女年十九聞訃欲奔喪父母禁弗許毀容守

貞期年後父母將為改字女日夕涕泣遂絕飲食抱茶渣而卧以期速死旋竟羈志而逝翁氏聞之迎其槨與魁合窆焉

節婦

明

洪村陶存香妻王氏

青年夫歿守義撫孤卒年八十九萬歷間邑令以貞節表其閭

龜巖張以宏妻劉氏

年二十九夫亡矢志不二恪守婦節撫子嘉暑成立以壽終

龜巖張伯泗妻陶氏

年二十八泗卒無子父兄勸改適不從侍奉舅姑和妯娌謹守



婦道育姪為夫後  
卒年六十有三

龜

王甫繼妻吳氏

年二十三而寡舅姑憐之語之曰汝年輕無子不如他適得所

答曰兒志已決遂斷右小指以示堅信  
苦節以事翁姑立姪天佐為夫後

龜巖張嘉聚妻林氏

四溪世家女夫早世躬率側室曹撫孤宵旰勤苦不墮清節

龜伏王文吾妻季氏

性婉順夫亡家貧人咸勸改適毀容自矢守義奉姑以終

龜巖張育才繼妻梅氏

利津令梅獻女孫性莊嚴撫前室子如已出年二十九而寡以

節聞邑侯趙以節凜冰霜旌之

牙陽季良利妻林氏

年二十六夫歿時值亂離備嘗艱苦卒撫孤全節壽八十有二

國朝

龜巖張家謨妻陳氏

夫早逝矢志食貧撫二子一女始終一節以壽終



龜伏王士健妻舒氏

年二十四夫亡撫孤自守家貧勤織維以養翁姑訓二子皆成

立邑侯楊公人傑以萬孝水操表其間

東隅潘明鵠妻周氏

青年守義事大姑暨舅姑謹修婦職訓督遺孤文海讀書克承

先業苦節數十年以壽終

龜伏王世仁妻舒氏

城西庠生舒行簡女夫早卒貞靜自守苦節數十年邑侯李公

汝麟旌曰節孝流芳

牙陽季春龍妻許氏

年二十七矢志守節撫四子長次讀書有成學院實公旌以柏

節冰心壽九十有三

州同王大模妻陳氏

年三十夫亡毀容守志以壽終

上洪黃光望妻朱氏

夫早卒子顯祿尚幼礪節自守謹執婦道翁姑安之訓子成立



龜伏王大因妻毛氏

年二十夫亡撫孤隆徽成立孫明燎娶陳氏亦早寡一門苦節

同治三年  
同請旌

龜巖張家楨妻林氏

年二十五而寡家貧撫子女艱窘備至卒完婚嫁始終一節

廩生王盛忠妻饒氏

忠立經子也早卒饒守義壽九十有四與姑周氏同請旌

監生徐成鎬繼妻潘氏

年二十五夫亡守志撫孤苦節四十二年咸豐元年旌表

龜伏王隆翰妻繆氏

年二十夫亡子鐘銘在孕守志事翁姑惟勤訓子以義請旌表

城北吳成佐妻舒氏

年二十九夫亡矢志堅貞守節三十四年請旌祀節孝祠

泗水曾風妻賴氏

年二十六而寡守志奉舅姑盡歡常居一樓不履外庭卒年八十

十有二  
請旌表

西地曾文華妻齊氏

年二十六守志撫孤卒年六十七請旌



牙陽季錫穀妻薛氏 年二十三守義

武陽張守庸妾劉氏 同治八年請旌 年適張閱歲正室蔡卒子利

庸卒守志 教子成立

梧村梅載南妻張氏 年二十四而寡生子甫七月家

辛勞垂數十年八十 苦貧矢志紡織以養舅姑躬任 有二壽終 請旌

洪村陶懋璿妻周氏 年二十三夫亡遺孤秀鏞甫三

以母訓克家道光 丙午旌表建坊 齡姑林氏御下嚴事之彌謹鏞

贈員陶振西妻陶氏 年十餘祖母病日以舌舐之而

姑咸得歡心未久夫亡子祖翼生才六月守志撫 之成立壽七十二以子封孺人咸豐二年旌建坊

洪村陶氏雙節 陶九書妻鄭氏青年守志撫孤苦節 五十四年子監生聖壽繼室劉氏早



寡守節養姑克盡婦道同治八年請旌

貝谷徐秉輝妻劉氏生員劉崇濬女二十八夫歿矢志不渝撫育嗣子終身茹素

監生陶芳潤繼妻黃氏年二十五潤卒守志年五十卒同治八年旌

仕陽林有銓妻陶氏年二十四夫亡矢志守義

仕陽林天侯妻葉氏青年守義

翁山翁昌衍妻林氏年二十五夫亡欲自到以殉亟救得生遺孤韶年方周歲勉事

舅姑 教督子孫讀書有成四世同堂壽九十歲道光廿四年請旌建坊

西隅吳振石妻王氏年二十七夫亡遺腹子自珩撫之成立咸豐年請旌

皖西林開經妻吳氏年二十四夫歿遺孤二皆幼穉矢守奉舅勤苦持家二子稍長

族多侮之戒子謹守家法不與校同治八年請旌



阮西林開紺妻洪氏 年廿四夫故家貧苦寺紡織為生立夫兄子為後以貧故奉旌

東隅周廷鎮妻黃氏 年廿二夫亡守義奉親撫孤忍苦食貧始終一節同治三年旌

湯洋胡雍芳妻董氏 年二十九夫亡諸孤尚幼四子睦順在孕矢志操持門戶訓子

晉成立壽九十有三

同治十一年請旌

東隅徐鴻超繼妻鄭氏 年二十五夫亡守志撫孤卒年四十二子自鑫同治八年請旌

三魁邱光琪妻林氏 大安庠生林崑女年二十三守志善事舅姑立姪為夫後孀居

四十餘載同治年請旌

治年請旌

仕陽饒帝龍妻林氏 年廿九守志遺孤尚幼忍苦教督成立學憲李獎以冰霜礪節

饒帝豐妻楊氏 年二十六守志撫孤卒年七十有三

胡門二節 武生胡騰奎妻許氏奎弟雍樞妻林氏並青年寡居林有子女四許育其長子



為夫後姪姒同  
志守義無間

西阮王聖超妻高氏

夫早卒無嗣矢志立姪恩培為  
後苦節自守三十餘年請旌

泗溪林玉伊妻卓氏

年三十夫亡遺腹子璞  
鏘撫以成立請旌表

武生徐步青妻林氏

年廿六夫亡僅遺三女撫姪  
秉瓊秉瓚為嗣壽七十有一

上洪黃柔遠妻葉氏

年十七夫亡矢志守義奉舅姑  
和姒惟謹立姪維璧為嗣同

治九年請  
旌建坊

泗溪陳英恩妻張氏

年二十八夫亡遺二子朝炳朝  
熉俱幼矢志教養成立同治九

年旌表  
建坊

生員薛芳英妻劉氏

英早世氏  
矢志守義

監生潘明瑗繼妻周氏

年二十九而寡守  
義立姪為夫後



翁山翁孟幹妻林氏

大安武生林奇崧女青年守志善事舅姑撫二姪寧錦為嗣

翁山翁祝三妻林氏

林舉附貢林守春女年二十八守志奉親撫二子以義方為訓

以上二名同

治八年旌

監生翁雯妾夏氏

年三十歲守義光緒四年請旌

梧桐洋吳維侃妻林氏

四溪林正瑀女性貞靜歸吳善事舅姑青年夫亡截髮自矢撫

孤子訓之成立同治八年旌表建坊

坊隅饒世位妻胡氏

年三十夫卒遺孤三歲守志善事舅姑訓子有方苦節卅餘年

生員董其經妻潘氏

年二十而寡姑老子幼家無擔石以十指供菽水子稍長命摘

苦藜以佐之若節能人所難

梧村蔣行肯妻董氏

年二十四夫亡守志撫孤同治年旌



西隅梅良玉妻陳氏  
年十九夫歿矢志守節  
同治年請旌建坊

洋邊蘇致奏妻吳氏  
年二十一守志不渝壽  
七十二卒請旌建坊

牙陽季兆廣妻歐氏  
年廿八廣應試卒於郡遺孤六  
歲矢志教育成人壽八十六卒

官步葉作芬妻孟氏  
年未笄夫亡守志撫姪  
為嗣光緒元年請旌

泗溪王秉勳妻包氏  
泗溪陳聖化妻陶氏

牙陽季兆卓妻董氏  
牙陽季希敏妻周氏

牙陽季孝敬妻周氏  
泗溪林方成妻包氏

泗溪蘇家道妻徐氏  
仙居張思溫妻林氏

下忍徐成政妻彭氏  
大岡 賴應環妻饒氏

大岡 賴迭興妻夏氏  
六都葉光盛妻王氏



六都王恩均妻吳氏

牙陽季惠祖妻董氏

牙陽季文耀妻蔡氏

莒岡夏夢庚妻周氏

莒岡夏明旭妻方氏

莒岡夏明雲妻王氏

山前胡高山妻陶氏

章峰胡雍水妻陳氏

巖山董懋琬妻薛氏

交陽沈豪津妻潘氏

坊隅周異妻吳氏

坊隅王妻賴氏

葛陽鄭正運妻張氏

庫村夏成邦妻毛氏

庫村吳文光妻翁氏

新畬黃文斗妻翁氏

林輿林守恩妻李氏

池開第妻林氏

塗阮徐匡齊妻吳氏

翁洋毛良位妻包氏



交陽沈豪縉妻陳氏

龜伏王隆對妻周氏

龜伏董選燦妻封氏

錢朝紳妻王氏

仕陽溫永遠妻陳氏

六都蘇大金妻鄭氏

六都蘇致軾妻楊氏

篠村吳昌胤妻翁氏

舟洋張大高妻黃氏

裏莊陳炳章妻賴氏

裏莊陳宏啟妻陶氏

裏莊陳宏博妻吳氏

裏莊羅居溫妻陳氏

何宅 吳厚祺妻潘氏

員洲黃世忠妻潘氏

黃世良妻王氏

左窟方受緞妻夏氏

民人王錫超妻潘氏

民人賴元運妻羅氏

王天保妻賴氏



仕陽胡期會妻楊氏

以上二十名未請旌

賢母壽母

國朝

陳賢母羅氏

裏莊陳學孚妻端善識大體兩乳重膠常襁子於背以哺孚兄弟同居長兄以

爭產致人命按律當流孚將代兄往言於羅羅曰

長兄肩家政次有足疾若往親必不安君宜速

為之孚遂詣案次兄亦爭承之孚據情力陳邑侯

嘉之竟成其志孚既入獄次子世醜年十二在塾

聞之潛奔入城侍父日夕不離及既遣奔送登舟

哭卧不捨旁觀咸墮淚迨遇赦歸五子秉母訓皆

成立起家成巨室孚年百歲羅亦長年世醜侍

父母年且七十猶晨昏溫清不衰云

王賢母林氏

龜伏生員王夫淦妻仕洋林孝婦章氏女嫻於內則奉姑盡得歡心相夫事事

循禮法淦中年多疾長子例貢隆策方習舉業命

輟學理家政遇歲歉戒以平糶不給則運粟以濟



策不敢違鄉人感之咸頌母賢素好紉練衣偏貽  
戚里兒至耄猶拈針線不倦壽八十八無疾而終

蔡壽母謝氏

小溪例貢蔡學易妻端莊嫻靜順翁姑  
學易長厚質樸謝為始內勤且儉晚歲

遇婦女晉接恒誼誦勗以正家謹身  
之道壽九十有六考終四世同堂

陶壽母吳氏

下洪監生陶福田妻質樸不喜鉛華田  
素患足疾倚之如左右手吳躬勤婦職

持以儉約至老不倦遂以起家富有壽九十  
有二五世同堂以孫祖翼馳贈七品孺人

黃壽母陶氏

上洪黃光發妻發循善力農陶以勤儉  
相夫奉親惟謹育五子咸有成發壽九

十有八陶九十有九四世同堂  
夫婦並享大年為世所罕觀焉




貞節補遺

監生吳文光妻潘氏 年二十五夫亡守志壽八十餘卒

武洋張鍾堯妻黃氏 年二十八夫歿遺孤方六齡舅在堂矢志奉養惟謹訓子有勞

需其成立平居寡言笑艱貞自守苦節三十年壽六十歲卒

東安章  妻包氏 青年守志撫孤成立

坊隅周異玢妻盧氏

坑堯陳君松妻張氏

坑堯陳志孔妻蘓氏



溫州府 臨 文 館

卷之二

卷之二

三



分疆錄卷之十

邑人林

鶚纂輯

男

用霖續編

同里董憲曾參校

經籍

儒生處修學術出見志節道德功業既有傳者則山林逸士閉戶著書豈遂乏人惜世遠年湮著述已多散佚茲錄僅就四庫全書目錄及府志與舊家譜牒所載得若干人書若干種為存其目至

本朝諸家所著雖未刊行其義有足取者亦並列之間有一二舊製有關文獻者或附山川古蹟或入藝文以免日久遺失亦拾遺守缺之意云至於金



石文字屢經兵燹存者寥寥仍附錄以見一斑

宋

周易說

林應辰著詩傳林拱辰著

春秋傳三十卷

林拱辰著刊於

州葵周禮制度精華二十卷

徐元德著

雅詞補義

林應龍著楚辭

說五卷

林應辰著存

古論十卷

林逢龍著本論

張楹著碁史

二卷

林應龍著

鳳山記一卷

林夢發著

奏議六卷

內外制四

文集十卷

俱林待聘著

文說

林應龍著

徐子雲集

徐履著草

堂集二十八卷

林逢龍著

嵐壁集

吳駟著

石室集

林一龍著

紫崖

集包鼎著掬泉集

吳泰和著

遜齋集

張忱著

玉峯集

徐元鳳著

怡情

集吳子友著適情錄二十卷

林應龍著

樵夫集

徐元德著

宦遊日記



吳駟 著 存齋詩集 張楹 著 西湖百詠 徐涓 著

明

漁樵詩說八卷 夏大輝 著 太初語錄 僧太初 著 人峯文集 劉耿 著

蘭谷集 張伯安 著 雲谷集 張伯雍 著 靈芝集 夏存 著 思親集 張一 著

六一集 林裕 著 吟情集 京華集 俱董鑑 著 省齋吟稿 董約 著

溪東精舍集 董天樂 著 古枯山房稿 董大 著 東游覽勝集

孟暄文稿四卷 吟稿六卷 俱張慶 著 古照軒詩集 潘士 著

望清隱集 董靖 著 雙溪集 張琚 著 閔園詩草 夏大焯 著 烹茗齋

詩集 潘世 著 龍山年譜 林道濟 著 龍川遺稿 林道 著

國朝

小書錄 卷之二 經籍



復齋經義曾鏞著 易義辨證張天樹著 易候象像五卷林鶚著

葬書易悟二卷林鶚著 皇侃論語義疏額書滙參林鶚

著存誠齋集王之揮著 湄川文集董士雍著 復齋文集曾鏞著 味

義根齋文稿董正揚著 霞樵文集董旂著 讀書隨筆經史

子集四卷周京著 異言錄周京著 望山堂文集林鶚著 怡志

居文稿董廷誥著 敢迺一隅 崇修易簡錄俱林兆雷輯 奇門

蠡測五卷 陰符箋 琴學全書二卷 花木册

借刊錄四卷俱林鶚著 珠海潘汝梅著 醫書林伯海著 痘書林浩著 紀

遊草董永孚著 羅陽詩始董旂輯 東甌詩存鄭士杰著 復齋詩集

曾鏞 二丸詩鈔林域撰 太玉山房詩鈔董正揚著 集選



百詠

董正揚著刊於杭州

葵園雜詠

周啟

怡情詩集

張應

旅中

草

張天樹著

松亭遺草

曾璜

霞樵詩集

董旂

待鋤草

林爽

曉坡詩鈔

林逢春著

聽松軒吟稿

陳楚

能不言齋詩文稿

董正

望山堂詩集

林鶚

黃葉山莊詩存

周峻

靈山

草堂詩鈔

周吾

古袂詩存

周京

味道腴齋詩存

董暉

安命齋吟草

林方

石厂夢吟

張耿

養正編

林兆

### 金石志

金石紀當時盛蹟傳之不朽尤足以補竹素之闕

而徵其實然世遠年湮更歷時變鮮不泯沒泰順

舊隸瑞平文物雖盛於宋鐘鼎之蹟經元初明季



之亂毀滅殆盡石刻惟幽谷危崖尚有存者碑文  
 惟冢墓畧有二二其餘皆明物然亦不數數觀姑  
 就所見列之如左

梅巖古篆

在四溪竈山宋梅巖居士林待價故宅右  
 崖鐫梅巖二大篆頗有古法梅字畧方左

半母字剝落不甚明巖字畧長大約二尺餘筆畫  
 亦有模細巖石剝落不受揚宅前溪畔崖上亦有

楷書畧數十字惟  
 未行甲寅二字畧明

古碣隸書

在王巖後山青石五尺許歎墓後漢隸書  
 有宋樵隱林公之墓入字大四寸餘殊有

古致按林氏譜宋遺老國子監丞林珣以國事  
 日非歸隱林下卒塋於此又宋廣東安撫林拱辰

建甯令林伯明宣教郎林廷彥墓亦塋此今  
 山已屬他姓各墓碑俱失惟此碣巖然獨存

石壁古書

在峽嶼嗽陽橋左澗山口兩疊石大數丈  
 面平上石楷書超凡入聖四大字下書立



地成佛四字比上四字畧小似是後  
人踵之者據蔡氏譜為宋蔡稠手蹟

### 古蹟記

云一在牙陽宋進士林雄祖墓碣石方二尺記

台州駐劄林公諱望字礪叟温州平陽人考

諱橫累贈武節郎公宣和四年壬寅歲二月初八

日丑時生歷台州天台县酒稅務兩浙東路安撫

司將領東南第十將領東南第十副將淳熙十

六年巳酉歲十一月十三日卒季子日嚴以紹熙

二年辛亥歲十二月十八日與妣安人趙氏合葬

於此此墓元初以雄起義被發空墳至今猶存乾

陸間士人於墓前掘得此石林族攜置祠中按

林雄威清戊辰陳文龍榜進士見郡邑選舉志起

義事見孫衣言東甌佚聞又林氏譜載景交丙子

二王南遷元兵窮追雄集義民助守分水關兵敗

宋亡後以聚義被殺○一在四溪竑山梅巖後山

宋信州守林斐墓亦元初為雄案被發者石方尺

入寸楷書歐體石堅泐淺揚不甚明記云於唐是

為桐川郡太守審計林公之墓諱斐字功輔溫

之平陽人嘉定戊辰進士口生於淳熙庚子十二



月二十六日寅時卒於涪祐壬寅二月二十五日  
 戌時積階朝請大夫主管成都府玉局觀祖諱待  
 舉安豐守贈大中大夫父諱涪厚安陸守贈金紫  
 光祿大夫母黃氏封魯郡夫人娶陳氏繼劉氏俱  
 封恭人先公卒公以嘉熙己亥歸二恭人於四溪  
 竑山之塋越五年男季燾季嘉女元佳奉公柩以  
 祔時維涪祐甲辰八月戊子三窶叶藏千載勿圯  
 告於幽冥其治命夫於呼石嚮在墓下士人取摯  
 蜂房道光壬寅林族重修宗譜訪  
 舊跡得之安置竹溪本派忠臣廟

林光祿墓碑

在四溪葦陽宋贈光祿大夫安陸守林

字近蘇體徑方寸許分三層寫摹泐甚精緻涪厚

次子果書林介填誌云先君諱涪厚字季雅姓

林氏九世祖建公徙溫之平陽四溪曾祖丕祖永

年右通直郎累贈正奉大夫父待舉朝散郎贈大

中大夫先君生紹興辛酉方在髫髻知伯氏仍父

子取科級慷慨自許刻厲進修長太學升上舍

登涪熙十一年進士第調泰州州學教授丁所生

母憂喪除差充南外睦宗院宗學教授用薦者改







陽故居為四溪佳山水欲即其地改卜壽藏杲等  
欽承先志忍死負土其年九月庚申奉柩以葬前  
期叙世系爵里納之穿中嗣將編次行實乞銘於  
當世君子果泣血謹誌墓久圯舊跡無存碑左上  
角及右下角已缺數十字道光壬寅林氏子孫攜  
置大宗祠按林杲慶元已未進士仕至朝散大

夫工書精於製  
墨見宋人墨譜

### 徐氏墓碑

在仙居林峯寺後山宋鄉賢徐元德父贈  
朝請大夫徐浩墓碑高約六尺中行鐫有

宋徐世真父墓七字字約方八寸左鐫銘公墓者  
文謬不典平生大畧微見太夫人薛氏會稽墓誌  
餘需立表焉右鐫慶元丁巳八月子朝奉郎新權  
發遣通州判元德泣血書字徑二寸許按徐元

德清熙成進士官終朝  
散大夫許郡邑志儒林傳

### 吳氏先塋碣

在藤林鳳林前山宋處士吳承膺墓碣  
高三尺餘平陽桂嶺逸人林根撰文補

城潘溱書丹文簡澀字瘦硬有古法承膺熙豐間  
人大觀戊子葬孫宗達宗穆宗說相繼登第見郡



錦繡谷石刻

在庫村東三里高崖十數丈崖下舊有書室為宋吳駟包滸吳泰和講學處崖

右有石洞半崖上鑿錦繡谷三大字字約三尺餘

洞旁鑿三友洞三字字約二尺餘絕類魯公筆意

光緒元年六月霖過庫村乘早涼往訪惟三友洞

可摹而露濕不受揚錦繡谷三字亦惟仰瞻欣賞

而已按吳駟嘉泰壬戌進士藤州守泰和嘉定

癸未進士揚州通判包滸由漕舉官永州通判

章峯石刻

在章峯村前湖邊石壁上鑿宋蔡珣卜居詩語意淺質字約二寸許又有篆書兩

山之間四字徑二尺餘款書丁卯竹筴題石門

奇觀四字桂巖二字芝巖二字梅巖二字伏虎巖

三字以上五刻字約徑尺蔡時可題又壺洲洞

三字約徑尺餘蔡允升題俱在章峯

古砧石刻

在南院青石六角高約二尺八九寸光潤如鏡旁面鑿紹興七年四字

鄭巡檢壽藏記

在南院明池村司巡檢鄭立七墓天順元年括蒼遼府教授徐用中撰文



木邑緣毛榮書 按立七名君壽松陽人寓居南

院正統間山寇蟠據池村山中立七請於郡守何

公文淵給劄率鄉兵平之何公於

其地請設巡檢即以立七蒞其在

玉巖洞天 在四溪玉巖右壁明里人包某鐫楷書  
大不盈尺旁鐫萬曆三年包靜山書

以上多係未設縣以前舊蹟或為兵燹之餘或隱

幽僻之所向無好事者物色及之使古人千百年

遺蹤湮沒無聞良可歎惜茲因續先君分疆錄爰

彙附於經籍之後至設縣後建置諸記曾入省邑

志故不贅若鄭巡檢碑及玉巖石刻則志書所遺

亦附錄於卷末光緒二年七月既望林用霖識

軼事



唐

願况遊仙記溫州人李庭等大歷六年入山斫木迷  
不得路遙見深水中有人烟雞犬之狀尋聲渡水忽  
到一處約在歐閩之間云古莽然之墟者好田泉竹  
木果藥連棟架險三百餘家四面高山迴抱深映有  
象耕鳥耘之風人甚知禮野鳥名雉飛行似鶴入人  
舍中惟祭得殺無故殺令地震有一老入為衆所服  
容貌甚和歲收布數百匹以備寒暑乍見外入至甚  
驚異問所從來袁晁賊平未時政何若具以實告因  
曰願來就居得否云此間地窄不足以容為致飲食  
申以主敬既而辭行斫木記道還家及復前踪羣山  
萬疊不可尋者

按雁山記亦附此記及莽墟賦後跋云姜準瑣談  
宋曹叔遠撰永嘉譜將此記與賦載於雁山之後  
意其地屬北雁舊志因列在藝文之首施氏遂附  
會其說直以莽墟為未開之雁蕩今詳玩記與賦  
語無一似雁蕩者且詢袁晁之亂想當日避亂時  
慨慕桃源傲而作此府志因有溫州字樣止錄一

分專承

卷之十 軼事

七



賦而邑志全逸具見卓識今亦不敢遽刪附於志  
餘以俟識者論定云云 霖攷顧况海鹽人袁晁  
台州寇亂僅在浙東數郡况斷非為避亂慨慕而  
作可知特聞季庭事知有此墟故倣桃源記為之  
耳至謂詳玩賦與記語無一似雁蕩謂為附會似  
有特見而仍未思雁山在甌江東北台州界與閩  
界南北相距三百餘里記謂在甌閩之間與北雁  
更何涉哉藉或謂南雁近閩記又謂遙見潦水尋  
聲渡水好田泉竹木連棟三百餘家則南雁仍無  
此境惟飛雲江源白雲山麓各地多深水山居亦  
髣髴似之吾邑正在甌閩之間更無  
疑也故錄記於此而列賦於藝文

宋

高宗南渡庶事草創軍用浩繁詔命山林殷實之家  
翰獻貲粟以助國用章峯蔡允嘉進狀願獻貲財時  
知温州軍洪擬申奏行在勅下尚書省戶部准紹興  
二年八月二十日劄據温州府平陽縣章峯里迪功  
郎臣蔡允嘉進狀輒瀝愚誠仰干天聽臣伏覩國步  
艱難金虜憑陵中華紛亂主上勵精求治思復祖宗



之仇快復舊疆連年征討費用不貲特降睿旨布告  
四方常賦之外許民下情輸納金粟以資國用庶  
父兄之恥以全忠孝之義臣恭讀詔詞感激流涕  
發誠心輸納已財一十萬貫文仰酬朝廷詔諭但  
章茅疏賤下情不能上達敢用進狀本州乞轉申  
藉此涓滴少助倉溟不願萬死干冒天威誠惶誠  
恐之至狀聞勅下尚書省戶部遵行口口年四月  
據温州府平陽縣章峯廸功郎臣蔡允嘉進狀不  
顧雙蟻之微薦賣雷霆之聽伏望赦其狂愚臣切  
家自金虜犯境以來中原板蕩兩宮蒙塵萬國臣  
不遑甯處主上憂勤思復舊疆征討未效軍用不  
降詔許以山林殷實之家輸納財粟以助國用伏  
感泣於五月內就本縣進狀願納錢一十萬貫文  
申奏聞見蒙朝廷行下照應外臣以上項進納涓  
莫補萬一再令男賓臣湯臣俊臣等共納錢二十  
貫文緣臣家居深山僻在林野去縣二百里舟楫  
通商賈不至積粟難以變置薄有田園乏人輸運  
乞聖旨特降劄下本州措置別乞差人押發非特  
臣無納粟之艱庶幾激勸山林樂助共濟盛事恭  
國家神武既振天威益張天意昭回人心悅服中興



之期指日可伺重念臣同男賓臣湯臣俊臣進納通  
 共三十萬貫文辦集在臣名下實緣中饋上報國恩  
 下助三軍殄滅戎虜非藉毫忽別有覬覦干冒天威  
 誠惶誠恐昧死謹狀伏伺勅旨紹興五年十二月十  
 二日尚書省吏部降下御批一道蔡允嘉同男賓臣  
 湯臣俊臣能傾家資以助國用不以進納論懷忠體  
 國其誠可嘉准與兄嘉世世子孫永充官戶誥勅三  
 道賜賓臣湯臣俊臣並同進士出身其各體朕酬庸

之意

蔡允升初補右岸靖康之變歸里閑居數年嘗賦詩  
 云干峯圍繞青屏障一水滌洞碧玉環詩酒劉郎猶  
 未老肯教風月負溪山後官福州都監平陽陳公桷  
 為閩司憲值重陽宴會同鄉溫人仕閩而與燕者二  
 十七人升位下幕居末座中席陳命賦詩以紀佳節  
 諸公方擎杯靜思升獨援筆賦西江月云荷盡不堪  
 擎雨菊殘猶未經霜葡萄初釀愜新嘗追效高陽勝  
 賞座間了無俗客衣冠盡屬吾鄉為君起舞勸金觴  
 不管雪霜鬢樣吟畢陳人喜曰僚屬能文而桷不知  
 若勞君過毛澤民遠矣於是盡歡而罷獨留升酌慷



慨論議因謂升曰克日借重侯官可乎二公自是遂  
為心交陳無子升以子汝賢繼陳嗣汝賢後官至知

建州

魯國夫人黃氏名道凝安陸守林淳厚妻富陽尉璵

之女左司郎中石從女也初縣尉女五長適新進士

次嚴其選左司謂曰汝多女坦選必求已第得毋困

乎有佳士積學能文何患不達乃以歸宿厚孝謹相

夫閱五閨始登第游宦相從二十年子曰杲檠棊登

文武進士第杲官朝議大夫主管千秋鴻禧觀棊官登

軼請大夫主管成都玉局觀棊官斬州斬春縣令以

虜寇戰歿族人謂老不堪悲戚夫入學後已丑見汝

死於節義吾有子矣是足慰也何悲為曾孫仲默補

尊監夫人謂杲曰前已丑見汝父入學後已丑見汝

孫入學吾老無憾惜不令汝父見之耳後壽至九十

六無疾而終孫曾青紫濟濟備極榮慶亦佳話也

徐子雲履省試第一秦檜慕之知其未娶欲妻以女

履廷試對策指斥奸誤且託心恙為迷妄失次語幾

被屈高宗素知其人不忍棄置第五甲之末履笑謂

同舍曰若使黃榜顛倒挂徐履依舊是狀元歷官至

八

軼事

七



朝請郎後歸  
隱於木棉村

霖按通志及廣輿志謂履隱於天關山下木棉去  
天關山實四十餘里特此山為一方之望故係之  
耳董憲曾按南宋雜事詩注引貫耳錄云洎熙  
間省元徐履殿試用卷子寫竹一枝題曰畫竹一  
竿送與試官洎熙是孝宗  
年號足見貫耳錄之誤

明

邑城洋心街舊有富室某甲者方造新屋夢屋已成  
中堂懸龍躍天池匾額輝煌耀目醒而異之有二子  
最聰穎遂極力延師督課以期通顯二子既長放縱  
揮霍家遂落鬻屋於周良武既而良武二子相繼登  
賢書大憲贈以匾即四字也某甲偶以事至其家仰  
見此匾感觸舊夢不覺大慟良武厚贈以去此屋道  
光末年尚在匾字甚古雅

今屋已燬匾亦無存矣  
嘉靖二十二年府縣以瑞安糧額多遠鄉艱於催料  
而泰順糧特寡議自五十都至五十五都割隸泰順



撫按報可牒既下該都士民利於故習恐失後便假  
山嶺遠阻輸將維艱之詞訴於郡時太守洪公坦檄  
縣擇公正紳士到地查勘邑侯林公大謨稔知前九  
年築城之役襄事里長夏鳳岡練達秉公特命之往  
同旬日間漏厯各都審其道里民情風俗且與士民  
反復論議知其不便歸遂力陳之林公據情申復事  
遂寢當時有貪拓地者議岡雖有德於彼而於義或  
未盡云按五十都談洋一帶卽劉文成奏設巡檢  
之地至今仍復藏污納垢其餘各都亦多頑梗之民  
抗糧掠貨拒捕無所不有本朝設大畧巡檢亦不  
能治去瑞雖遠尙在一水之間而離秦城且百七八  
十里假使當日竟入秦壤必至鞭長莫及尤多噬臍  
之患岡力陳其非未必不見及此惜世遠無從稽其  
說耳此雖細事亦見地方不可無人特錄以示來者

### 國朝

邑侯張翀標盛京玉田舉人順治四年蒞縣時海寇  
流毒縣境侯出拒於鄉兵敗至一都洋寮墮馬死之  
事平後公子某聞訃奔尋遺骸不獲一夕夢公告之  
曰吾甚苦臭穢不可耐卽芳香撲鼻亦不可耐將若



何公子翼日復至其處見老梅一株花方怒放即其  
下掘之得一脛啣臂血以驗良是急攜歸殯葬焉妾

傳氏以不屈死  
另有傳見藝文

康熙五年浙督院趙公廷臣題蠲邊海荒棄田地通  
郡免萬餘兩泰順蠲一千口百兩課稍輕八年部院

范公承

謨奉

上諭勘荒躬臨山邑履畝親勘五月到縣一路士民老

幼爭迎之紳士有迎謁至橫溪嶺上者公下輿與隨

員郡丞張公經永嘉丞陳公大謨步行同至莒岡館

於靈芝堂靜鎮不動聲色騶從寂然無譁須臾出諭

無煩民間供給一切自備耆舊夏大輝獻詩次晨入

城臨行用韻題詩寺壁既行沿途審視既抵縣城鄉

士民俱有條陳極言時弊次日日出郊歷勘悲憫嗟歎

日四郊如此山間益可知矣隨命張公嚴審各條陳

事衙蠹備受重刑城紳有首舉摘奸者旋受蠹囑不

欲堅持衆憤據法力爭公諭張公嚴處之蠹弊盡革

駐縣十二日回郡仍宿靈芝堂白叟黃童跪寺門獻

瓜果士蔬不受衆懇留乃收茄李二種衆猶力求從



者曰吾主平日雖司道餽物槩不受今鑒爾等真誠  
留此爾曹榮極矣或有以生魚帶豆進者仍發價給  
之當夕以箋紙手書所作行田詩示大輝及僧竺如  
序云予以夏五行田至泰吏民言自古無使節至者  
因夏生大輝贈詩遂用其韻以紀懷云公旋省卽開  
浙東十四縣荒逋無徵田糧題請蠲免捐俸一千餘  
兩爲部費得

旨本邑蒙蠲一千六百四十餘兩邑困始甦後聞公去

浙之日杭民數百赴京乞留不獲尤在閩盡節浙民  
感之莫不痛哭秦

邑祀之於崇報祠

國初承明之舊賦役之外有歲例並係里長催征通

縣十七圖挨次輪值若院司道府縣新任紅衣轎織

需用什物俱由里長折送里長攤派每畝約需銀一

兩有奇又戰船動用亦出民間以此糧田價賤每畝

四五兩山田僅六七錢民甚苦之生員吳兆英董應

濤陶承稔毛尙員等訴於道府學院苦未得伸兆英

乃赴省上訴詞既入適浙督朱公宏旌考課書院甄

別諸生英未奉文亦竟報名請試朱公喟然曰汝不



顧飛蛾入火尚請試耶英對曰飛蛾無知特為向明  
 而來死非所恤况書院為朝廷培養人才而設大  
 人開試是上體闢門之恩生幸千里一遇若不觀光  
 尤恐為飛蛾所笑朱公顧視久之輾然改容命姑給  
 卷與試及呈卷大加擊賞遂列超等留院肄業厚予  
 獎賞英入謝婉陳邑民疾苦至於聲泪俱下朱公為  
 之惻然曰此東南通病非面奏不可子姑待之吾必  
 成子之志時康熙三十五年也尋朱公瓜代入覲以  
 所苦達於朝奉

旨

著部議革而文稽不下三十九年英復叩大府後任

郭公始行通飭革去里長而諸弊亦除民慶更生又  
 聞先輩潘公學劄云英上訴時闔岸紳耆出城餞之  
 有哭送者英不願毅然就道有荆卿入秦氣槩當日

風義尤可想矣 右據

夏氏譜及潘公學劄語

霖謹按英城廂人也康熙季年歲貢以避亂移居  
 戩州卒葬武陽某山子孫既微墓為山土擁沒久  
 無知者同治十年正月武陽民劉某懇闢山園莪  
 除荆棘見淺土下有磚石疑為古塚遂盡為剗除



復其舊跡一夕夢老人衣冠整肅至其家揖劉謝  
曰吾吳千木也蒙君淨除我室深感厚情劉方入  
內供茶出則已杳醒而異之以語鄰人林秀才勲  
勲為細訪始知為英墓後人已遠徙乃告其族為  
修理焉至今戩州父老尚  
能述其訴省請試事甚詳

時變

明

嘉靖五年處州周六孫敏孜林六郎等聚眾流劫福

甯州及泰順界殺平陽典史徐士傑於平水

按平水在

分水關內或平陽亦防堵故死之平陽志失載參議周期雍督典史鄧鏐

帥眾擒斬周六餘黨遁散遂平

嘉靖三十八年秋倭寇三千餘自桐山登岸生員林



田率鄉兵守排嶺築土城扼險以待十一月十一

日倭突至奪險以上田力戰死之遂自牙陽劫掠

深入屯三魁十日殺戮溪水為赤復掠華峰洪村

民居盡燬二十一日入屯莒岡約二十餘日知縣

事區益協把總盧琦梅魁指揮李元佐生員陶冶

臣五路進攻先伏兵下忍以俟十二月十一日犯

城東門伏兵四起首尾夾攻倭懼乞路南遁於海

按林道瀆年譜倭近二千入屯莒岡村曉峴一帶

女眷避之山林丁壯守望村莊先有倭四百餘來

掠林道瀆等率鄉眾拒於集雲堂賦負傷而退次  
日賊眾踵至力戰敗之斬倭首三級并獲倭刀解  
官數日後賊掩至房屋悉被焚惟鄉眾無傷自遭  
兵後民乏食穀責至銀一錢易穀十五斤既毀其



巢又苦枵腹云又云倭首解官申詳後大憲命每級賞銀八兩邑侯區公吝不欲與力請乃給四兩隨散賞臨陣出死力者○又按府志及瑞平二志倭自嘉靖二十一年即入溫屬內洋登岸焚掠來去無定各屬受害至四十二年三月十七日督撫始率三開兵船會剿擊之於流江焚倭船七十餘斬賊數百倭患始息流江在桐山沙埕口內腹地倭敢張膽容留其時海防廢弛可知故必待十年之後始能一振國威足見防患未然雖太平不可一日忘也

崇禎九年閩賊沈可耀詭稱倭奴率衆數百入境流劫至仙居兵勇敗回屯據三日勢將薄城生員林宗椿請於縣率鄉兵擊之賊卻走椿截橋欲盡殲之橋朽斷失足墜被殺賊懼不敢深入徐從一都走景甯而去及府中派兵至賊已遁越月賊黨陳



其忠復從翁山下屯南嶠生員夏應鳳率鄉兵出  
不意攻之殺賊十二人擒六人餘賊遂遁歸翁山  
而去

國朝

順治元年明鼎革各郡邑賊蜂起積賊沈可耀復由  
入都入至小溪村民曾三鳳叔姪率鄉勇拒賊叔  
被殺三鳳奮不顧身亦死弟三重三益相繼混殺  
亦死之賊遂屯四溪官兵與鄉兵會剿生員夏應  
鳳率千人往破其營斬十七人賊遁去

舊志曾氏兄弟傳誤

作三年

丙戌



順治三年大兵下浙東溫屬以六月入版圖初署本  
縣事周春潮台州人乙酉舉人莅任五月始選張  
公聯標至

順治五年夏明行人劉中藻起兵福安據福甯及政  
和古田等六縣五月遣其黨馮生舜

按小腆紀  
年作舜生

桐山邑民翁升初德培導之是年五月率黨鄭訓  
等衆萬餘人入境遂陷邑城守將唐三捷潛遁賊  
追至楊寮張公聯標死之妾傅氏被擄不屈亦死  
焉時平陽民陳倉永嘉民何兆龍武舉林夢龍瑞  
安民張所青田民陳光魁聚衆響應而流寇楊球



陳其忠等各擁兵千百到處索餉民受荼毒無逃

避處生舜於七月攻景甯敗還十月大兵破桐山

復福甯中藻走保福安援勦副將李榮由桐山分

兵至賊乃遁先是偽署縣吳某慶元舉溪人遁後

至十一月收散兵假中藻名衆號三萬來圍城十

八日別將李成茂王曉櫻城死守募勇突圍請援

兵至殺翁升初於東郊賊敗解圍去按故老相傳時有賊日張

姓者本係福安鐵匠嘗在邑城及一都打鐵喜種

瓜號曰刺瓜張至是為賊前驅突從壽甯來至南

門外市人聞賊至紛紛逃避張在輿中操閩音日

謀帶謨帶蓋謂沒事也已即率三十餘人先入城

城早不守故也又按牙陽故老相傳時有賊首

河兆朗者最為悍毒與其黨李珏不和珏誘而殺



之李珏遂橫行一方至  
今人猶稱之曰李爺云

順治六年四月瑞安張所引兵突入莒岡及各鄉搜  
掠甚慘飽擄而去九月賊沈可耀等復屯蕩陽莒  
岡鄉兵拒於包坑十一月二十一日乃由龍鬪越  
稽洋南向至莒岡焚上下村房屋人民四散請援  
於縣迨千把張彪至賊已去時四鄰土賊出沒民  
不聊生至七年福安敗陳倉死寇稍息

順治十三年十月二十六日有白頭賊闖入境葉瑞  
陽一帶村落盡被蹂躪

順治十四年山寇

戡洲吳氏  
譜作海寇

馬雲龍黃寥天

縣志作  
馬一王



黃撈天

聚衆數千流劫各鄉防官黃世雄劉正啟閔

嘉賓先後戰歿賊屯陳營寨及四溪各村常出剽掠直抵城下紳民及難者不可勝計

順治十五年馬賊猖獗邑令余起光以莒岡鄉兵強義委以協剿道憲萬公代尙發委牌令箭及印冊飭生員夏應鳳爲社長許查各鄉如向化入冊者爲良民於是從之者益衆七月二十七日賊從莒陽來專攻莒岡鄉衆拒於交叉路及雙溪口與賊戰義勇夏大綱力擒黃寥天扭入潭中賊黨來救綱被刺死其餘死者夏有立夏烏妹鍾丙弟王



繼壽徐學誥等共六人旁隊賊從山徑突至衆敗  
散村被焚男女被難又六十餘人賊由翁山退往  
四溪官民兵兩路進剿四溪鄉兵先至李洋賊拒  
戰鄉勇隊長夏啟辰及義勇夏大濩大熊大  
梅并鄰社等十八人死之賊復移屯篠村東陽官  
民兵追破之賊勢稍衰

順治十七年二月賊走一都將竄處州路去官民兵  
追之至楊寮遇伏把總侯某被擒衆遂退賊折回  
鄉兵死十餘人仍入各鄉窮搜續以官兵四集會  
剿黃寥天死賊乃平

按故老相傳黃寥天身軀偉岸喜酒大言自誇其能故邑



俗笑人自誇比之曰黃寥天今方言訛  
寥爲拉見人誇口卽曰此人太拉云

康熙十三年三月閩耿逆反海寇乘釁竊發由桐山  
登岸舊賊黨導之入四溪趨縣城城遂破知縣林  
天楨由一都赴郡請援適及曾寇之難時邑民無  
主鑑於前亂二二三都及四都之洪口陶家山龍潭  
口漁鰲潭篠村各處皆與莒岡連絡爲五保入印  
冊推副貢夏大輝爲保長聲勢旣振賊搜掠不敢  
至其地各都多被蹂躪旣而黃明與其黨李信爭  
長信率黨舍去投五保五保兵拒之於舊長嶺遂  
走四溪繞道由三洋三溪入大壩趨景甯黃明亦



率衆陷景甯殺李信掠其各鄉爲處州官兵所破  
遁回聲勢頽落益畏五保遣謀至洪口巡兵礮殺  
之賊乃遣黨李珏牙陽人謀士楊斌至五保講和欲  
以探虛實五保留楊斌放李珏歸約戰賊遂屯陳  
營山寨黨羽益散僅存千人五保合衆三千分兩  
路一從東路繞道山後一由山前以七月初八日  
出隊夜行百餘里約初九凌晨破寨南路兵先至  
賊下山迎戰東路兵由山後登山夾攻傷甚衆黃  
明遁去遂焚其寨時逆帥曾養性據郡遣前平陽  
縣丞鄧子霖來治縣鄧至聽奸人言首責大輝等



專擅諭繳冊歸罪輝婉辭佯許之陰結五保如故  
按景甯縣志是年盜賊蜂起郡縣餉急徵比尤嚴  
民心思亂聞壽甯甯有黃寇密約之把總左朝極亦  
潛通焉知縣趙稔其事方預防之五月初八日又  
有蔡林二寇衆五百餘自大帶犯縣左朝極北走  
莘嶺爲寇追及死焉十三日黃寇始由大濂犯縣  
復與蔡林戰惡其殺左朝極也不利從四都遁去  
云云所志亦頗相符惟謂與蔡林戰一節或  
李信尙有黨蔡林并未知爭長之事故也

康熙十四年郡復遣僞參將王大友至以勦撫爲名  
駐縣繼又遣武弁王之珍來代于霖去王莅任專  
征軍裝戰船需用物料及銅器鑄錢古鐘鼎一時  
俱盡派民解送百姓益受驅迫之苦至十五年十  
月耿逆降括寇潰亡曾養性歸降於閩僞官王之



珍亦投誠去邑稍安

康熙十六年曾養性別將熊統率兵入海福甯營從之遂與海寇張李二賊通本縣民都舖黃雄以劫吳陽案亦入其黨與平陽閩人臧某同夥三十餘人入富陽引張李二賊登岸劫六都至戩洲男婦多被擄縣往郡請援溫營千總姜化鳳率兵至而仕陽及南院已被掠化鳳進劄洪嶺頭檄大輝與戩洲吳必奇等率鄉兵協勦乘夜攻賊於仕陽次日黎明賊倉猝聞砲卽遁歸閩之南鎮救出男婦六十餘人及官兵旣去賊復由八都至劫及峽嶼



葉瑞陽南院毛陽與壽甯福安諸鄉瑞安之五十  
五都土匪又出外流劫婦女小兒視其才品勒贖  
於是各都又復騷擾九月抵城下城守把總張當  
山出禦兵敗被擒鎮郡部院遣副總兵賈文學來  
援初至欲招之降猶拒命乃申請咨閩議水陸會  
勦兵船由南鎮入兩路夾攻賊首以小艇遁餘寇  
盡殲賊尙匿據險坑山中姜公選勇綠崖攻之  
礮傷三賊柵不能破適鎮憲差遊擊張從仁頒牌  
招撫其黨呂賊出降賊始由別徑走桐山降於  
閩當邊境自是肅清

按三魁張氏請康熙十七年  
海寇盤踞樟坑官兵統鄉兵



進勦龜巖張有利陷陣戰歿有利字以  
用據此則水陸會勦乃十七年事也

以上自崇禎九年沈可耀之亂始至康熙十七年  
張李二賊止俱據夏大輝羣寇志採入志歷叙當  
日遭寇情形甚詳惟其中備載城鄉有汙偽劄及  
首鼠兩端者故修縣志時忌諱不敢呈以致三十  
餘年兵劫出力勦寇及殉難之士泯沒無聞亦可  
歎也從來國史不如野史之實以國史祇舉其凡  
野史則不遺細末較見詳明郡邑志書體例之嚴  
固仿於史而記事之實宜求諸野舊志沈可耀僅  
於曾三鳳兄弟傳中一見其名其餘諸寇亦皆約



畧提過至馬黃諸賊及耿變中間一二十年地方  
 頻遭塗炭全不詳及一二簡陋極矣茲錄特為補  
 入以示後世俾知世值滄桑僻遠之區王化一時  
 難及良民之苦有不勝言者惟能先事連絡城鄉  
 紳民合志同心庶不致重遭大劫則所以垂殷監  
 非徒侈談故事已也

康熙十八年山寇陳吳等據六都牛頭寨今改入七都擄

劫南院洲邊一帶地方民婦無算後溫協鎮賈文

學討平之

按南院一帶明時居民頗盛自頻遭兵燹散亡殆盡田園鞠為叢林至乾隆九

年以後客民入山始漸開墾成村落焉



咸豐八年四月粵寇石達開別股陷雲和景甯官兵  
逃避泰邑一都及城內紳民間風亦多走避景甯  
生員徐登瀛聚東南鄉兵進拒泗洲嶺戰歿鄉兵  
潰歸沿途搶掠遠近震動時平陽令唐黻章稟道  
府妄稱景甯一路惟泰順百丈口最爲扼要聲言  
募有虎勇一千五百名請就泰順擇習識情形紳  
士管帶扼守府憲王公景澄劄付林鶚赴平會同  
辦理鶚上書力辭一面遣男用霖全一都生員陶  
鶴年吳鏡涵等至景甯東坑界察看地利勸一都  
各族捐貲築蚊蟲壘隘口鶴年率團丁上隘防守



監生周樹椿亦勸里民潘明全等捐貲築龍巖嶺  
風門坳隘口樹椿率團丁防守知縣劉曦奉府憲  
王公劄發倉穀爲團兵口糧於是在城生員潘鍾  
英等設局羅陽書院派丁防守四城及雙港嶺隘  
六月賊陷松溪政和又派丁防守壽甯界之庫坑  
嶺七月初處州賊退始安

咸豐十一月平陽會匪趙啓等勾接瑞安金谷沙陽  
一帶積匪爲亂分黨播散金錢泰順四溪篠澗牙  
陽一帶奸民有領錢入黨者其時粵匪僞侍王李  
世賢窺浙東括屬震動泰順亦戒嚴城紳推教諭



沈應奎總局務應奎以平界赤緊至牙陽勸該地  
聯絡備禦會匪攻瑞安不利焚桐山欲西犯泰順  
水港一路有湖石生員張家珍鄉兵拒之遂由分  
水關窺入都牙陽十四村衆禦之於彭坑賊始不  
敢犯是冬閩兵至會匪以次漸滅而粵寇復連陷  
台處二郡同治元年二月青田景甯相繼失守會  
匪餘黨引之入溫連攻永瑞二邑閩兵及鄉兵擊  
之始解圍而走其時張家珍已戰歿水港空虛福  
建北路統領道員曾憲德派委員林用霖回泰勸  
辦青景團防用霖協同沈教諭到東北鄉督率二



三都民團於龍關東灣坑南向蟾宮步蚊虫壘各  
隘輪流防守賊將由大巒走宮堡黃壇一路入秦  
境前隊至宮堡值大雨溪水暴漲宮堡人趙某父  
子首先殺賊賊驟退淹死甚多遂山大會嶺走青  
田九都復由五步窺探三都峨嵋排前一路知有  
備在九都逗留三日粵寇怨會匪引之失利兩相  
格鬪互傷數百人粵寇走景甯會匪餘黨千餘回  
瑞至馬嶼官兵圍而殲之景甯之賊不久亦由雲  
和走處州七月處州克復地方始平  
時變補遺



宋

德祐二年丙子北兵南迫水陸並至陸路分兵由括  
聞道入溫奸民導之也十二月二十四日抵吾鄉  
所至焚戮甚慘嗣是兵寇交馳垂二十載凡祠宇  
祭器書籍併為灰燼有宋三百年遺澤至是邈焉  
無遺可悼也

見紫氏譜按丙子十二月已係景  
炎元年想記者未知端宗時事歟

元

至正四年甲申山寇吳千五劉甲乙陳貴十等亂擾

端平各鄉官兵討平之

翁陽毛氏譜

至正十四年青田黃壇吳德祥嘯聚倡亂處發溫及



建甯均被其毒官兵勦捕賊列砦百餘首尾連絡  
不敢深入處州治中葉琛帥師分道由瑞安進攻  
以次克之德祥夜遁退保百丈林官兵再進賊又  
遁分兵急追至篠村德祥父子縊死林中千夫長

徐德俊斬之以獻寇始平

見宋濂文集葉治中歷官記技黃壇在青田入

都與舊瑞安五十六都今泰順之三都連界相去  
十許里古百丈林為今泰順一都地亦離黃壇不  
遠吳賊出沒其間凡四五  
年居民受害已可概見

至正中天下盜賊蜂起東南諸路備寇下所部團義

兵社十二年七月政和紅巾賊黃善等犯福甯州  
其鄉社惟柘洋袁安文最強七莆張子文次之當



時雖有却賊功而各社爲田土相併且令鄰鄉貢  
賦悉納二社州縣無如之何平陽歸仁鄉三十九  
都龜巖四十都仕洋與二社壤地相接亦被騷擾  
二十年龜巖張四三仕洋林文澗亦聚衆畫界拒  
守爭相雄長時蕭元帥統兵勦二社二社出兵拒  
戰至東溪張四三率社兵力戰却之後安文子天  
祿納欵於明各社亦散一方始安據毛氏林氏張氏譜參福甯志

明

洪武十四年拈寇籍陽毛氏譜作鑽徒葉丁香處州志作溫人黃壇吳

達三府志作連三誤倡亂平陽三十九都戩洲白坑毛定



二瑞安五十七都都舖包國王張亞彪等導之蹂躪瑞平各鄉賊黨千餘進屯戩洲龜巖張則用高陽劉俊卿各領鄉兵從三魁巡檢至戩洲戰於溪坪及新坵路互有殺傷巡司稟縣時征南將軍劄付巡司招諭鄉民男婦屯聚勿散特差甯波衛百

戶唐某率兵駐防十五年二月延安侯唐勝宗率

兵由三港進勦擒倡亂者斬數十人招撫協從始

獲安堵又據仙居徐謫吳達三入境窮搜至連山避亂者多被戕連山特高最為幽僻在今

一都之南以上各條雖為未設縣以前事以其有關文獻因補記之至正統季年羣寇之亂舊志

熊侯建置記載之已詳故不贅



祥瑞

明

景泰元年有鶴來巢

三年鶴巢山產靈芝是年寇息立縣治

宏治七年鶴巢山復產靈芝苜蓿亦產靈芝

隆慶五年南陽底江家產並頭蓮

萬曆十八年大有年

四十八年

即泰昌元年

大有年

國朝

康熙六年歲稔每銀壹兩易穀百斤至百二十斤實



則海禁民窮糧餉較急凡三四年穀皆賤

十九年萬岡產並頭蓮

二十八年四溪民林姓妻一乳三子邑令報憲  
給糧贍之

三十四年歲大稔每銀壹兩易穀五百斤至七  
百餘斤不等

五十年正項錢糧蒙蠲免

雍正元年石柱峰叢蘭中產靈芝

二年禾一莖雙穗

四年雨暘時若歲大稔



五年歲大有禾一莖兩穗

六年歲豐逃民漸歸復業

七年歲豐通荒陞賦

八年丁糧蒙攤入田畝

本邑丁糧最為繁重有  
成丁未成丁女丁三則

至是無田之  
民慶更生焉

乾隆十二年錢糧全免

四十三年正項錢糧蒙蠲免

嘉慶六年十月南郊貢生董廷儀家牡丹再開次年

其子正揚登第

道光十年毛陽村後山古楡木八株久枯僅存老幹



至是復生枝葉今猶茂盛

十六年南院飛鳳山產靈芝四本

咸豐四年縣署倉後產靈芝

同治十一年大有年

災異

宋

宣和二年歲大饑米一石計四升

易錢三百文見章峯

氏譜

明

成化十九年六月十九日大水



二十年瘟疫流行死者十三四

正德三年五月至九月大旱歲饑

五年大旱歲饑

八年四月縣前街疫死者相枕又大火延燒及

鼓樓

九年八月朔日食星見雞棲移時復光旋地震

十三年十一月十八日

夏氏譜作二月十八

大水壞民居

百餘漂沒官民田地二十八頃三十餘畝

嘉靖五年五月至八月旱無禾

六年復大旱無禾較五年尤甚



十年九月初九日隕霜害稼民大饑

十一年正月猛虎害人七月二十四日雨雹大

如拳二十七日大風雨揚沙折木壞橋星右門

二十四年夏鄰邑荒民多來就食斗米二百文

按故老相傳舊時米糧貨物值賤斗米二百已言其貴至康熙以後田復開人戶稀少穀賤至無人糴莊穀積久但待糴者不論價得銀數兩即估倉與之有糴倉運穀至足餘即棄而不運寄語莊主曰餘穀尚多吾不要矣以今視昔可勝慨哉

二十六年秋虎傷人道路戒行九月五都民殺

之冬十一月初五日東街火延燒官廨鼓樓及

民居五百餘家



二十七年秋七月朔大水壞民廬舍

二十八年八月翁地大水壞民居田園

三十七年七都龜巖蓮池尾井水赤如血三日

三十九年歲大饑

詳義行陶灌傳

隆慶二年七月二十六日大雨一晝夜大水漂民居

### 田園

五年六月莒岡夏以瘠舊志作樹家有蜃氣如霧射

天知縣王克家禱城隍并祭其處妖息事蹟及

### 祭文詳舊志

萬曆三年邑大饑

見高陽劉氏譜



五年八月二十二日未刻日色正烈忽聞天鼓  
一聲闔郡皆然

崇禎元年邑大饑

八年十一月二十六夜北方天際見白虹色如  
霓光芒不動移時而沒

國朝

順治二年永樂瑞平皆大饑饑民運魚鹽至泰順及  
景壽各邑易米米貴而魚鹽極賤時聞藩選李  
公裴來知縣事遣社兵至二三都過糶遂致閔  
然滋事



六年鹽貴每斤紋銀一錢

八年大饑邑令王公煌設法勸富民施粥全活甚衆

十三年莒岡有怪鳥大倍於鵝終夜慘鳴聲似小兒次年秋寇至民遂遭劫

十七年饑邑民多運米慶元遠處銀二錢得米六升

十八年又饑仍往隣邑貴糴連遭荒歉民間器物可以貨米者無復存矣

康熙二年海禁極嚴鹽竈盡廢闔郡食杭鹽每銀一



錢得鹽一斤半凡三年

九年各縣稻已成實被蟲蝕盡歲歉太守姚公  
時亮奉牒勘荒發賑

十二年虎入城南門攫去守城兵王某跡之已  
食其半生員周雅家磨牛骨糞田磨作牛鳴棄  
之溷中復鳴如故十二年周生死寇難

二十七年虎入地軸山傷害城內民王長世

三十八年九月二三都大水漂民居無算

四十三年歲歉

四十五六等年夏秋間旱米價騰貴



五十一年大水八都牙陽雙溪口漂去房屋人畜淹沒無算

六十年七月四都下莊下塘坑雨雹一日田禾盡壞

雍正四五年縣稱奉採欽工木料各鄉村及古墓喬木封伐殆遍有賄之者乃免

十年虎患各鄉約傷數十人

乾隆二年虎患三都各地日傷四五人連歲約傷三

百餘人至八年始安

見夏氏譜

三年米貴每銀一錢得米三升餘



七年久旱升米銀五分各邑不法之徒到處搶掠縣詳憲嚴捕多瘦死者

九年久旱五月不雨至七月終始雨禾皆不實

十六年虎入城市後殲於南門外溪中六七月

大旱時邑侯楊公人傑奉委赴樂清展賑報災

稍遲次年正月發賑

公有赴郡接領海運賑米詩

十七年秋七月十五日大雨水一都各鄉田地

被災是夜初更白鶴渡旁倪姓一村盡被漂沒

僅遺一童年十六因屋浮至崖下從樓窻躍出

攀樹上得活



十八年春旱

二十年東南鄉山中竹實

二十七年二月丁祭後

聖廟災

時邑令孔廣梓以新進士知縣事其父某故宿儒慮少年未諳吏治借之來居數月

見其禦下待士聽訟事有方心大慰乃加勉

論遂束裝歸歸之夕大成殿正梁忽斷自是縣

署內用門丁某外則幹役潘鳳互為鼓煽淫縱

貪酷無所不至士民重足而立後削職去邑乃

安去之後邑人編其時

事為詞至今猶歌之

四十五年至四十七年連歲歉收

四十八年大饑米價貴至數倍鹽亦極貴饑民

食草木葉有錢者往桐山海口運臺米及諸米



以濟是冬稍稔

嘉慶二年春三月雨雹大如碗東南鄉秧苗盡傷人畜有被擊死者是歲大饑冬月某日夜北方星隕如雨復見天北面一半青蒼星影寥寥

十四年歲荒七月颶風壞稼十月淫雨山種歉收臘月饑

十五年饑邑民多茹草木六七都民採雙背山

土俗名觀音粉療饑多致病死且有掘土被壓者

十六年夏旱禾多枯槁

十七年夏饑民掠食四都柴林頭地棍林阿可



爲首初猶搶穀後遂劫財物五七都張林各姓  
被搶尤劇城中無賴亦起周姓被搶知縣李慶  
雲不能治僉上訴憲嚴檄拏辦始息

二十四年夏大雨雹城內尤甚積屋瓦溝皆滿  
牆邊積至沒踝

二十五年四月地震又大雨雹比上年稍減

道光九年五月某日傍晚日尙未入有星從東南向  
西北橫飛有聲如飛矢初僅見光及將下墮大  
如斗有尾淡赤色如龍而逝

十一年旱歲歉四都柴林頭地棍林學修聚黨



百餘肆搶僻小村莊知縣周恭先貪懦不能治  
各處士棍漸至效尤後任長沙周公時藹至嚴  
捕惡黨置於法搶風始靖歲雖荒不至成災

十三年旱秋又早寒大風壞禾高鄉尤甚十二  
月至次年正月大雪連旬高山林木盡折牛羊

野獸凍死甚夥十四年大饑升米三十餘文  
南鄉運瑞米接濟每升至四五十文五月城鄉

時疫傳染至七月始止人民死亡甚衆有全家

病歿者六七都饑民有食柿葉及觀音泥泥產山洞

中細膩入胃不化多因以速死時有一山產竹  
如麩



米近山居民有藉以全活者是年鹽缺每斤價錢至一百二三十文尤多充腐渣石粉

二十八年秋城內大水

咸豐元年九月十一日戌刻聞天鼓一聲有星大如火毬落於北方闔郡皆見

三年三月間地屢震近閩界尤甚六月十二日至二十四日大風雨浹旬一都上地及七都魏坑西鼻山崩壓死人畜無算葉瑞陽前後山對裂各長十數丈坑濶盈丈似全村欲陷者雖幸無事而其村自是不振是年饑四溪東安峽嶺



各村匪徒搶掠城中無賴亦率饑民入署逼賑  
管令撤去新任至開倉出借平糶始安

八年七月初四至初九彗星見西南

十年夏大水四溪南溪一帶尤甚民居房屋田  
園多為漂壞七月六都洪均潭有巨魚青黑色  
浮水面長大可一二百斤遠近來觀游泳三日  
乃不復見

十一年大水附郭及一二三都尤甚田多被淹  
同治二年十二月城內大火自士林坊起延燒至縣  
前左街店肆房屋百餘家



二年夏有虎由縣後山越城至署內後圍盤旋  
一遭仍越城去

七年冬城內復大火自士林坊下起延燒至太  
平橋店肆民居百餘家

十二年正月廿六七申刻兩日相盪日中有黑  
子六月雨雹一都山鄉有重至十餘兩者

十三年三四月間雨豆色黑大者如綠豆小者  
如芥子各處多有

光緒二年春夏苦雨六月十一日大水一二都田被  
坍沒者甚多天氣極涼是冬禾大歉各鄉多產



竹米

三年荒四鄉賴有海運米接濟升米至大錢四十五六文城內米增價三十四文縣乃開常平倉穀三千餘石碾米糶之

是年秋八月有虎入城北門內食民畜秋蟲蝕禾近城一帶尤甚晚稻歉收 縣報荒請緩征

九月杪始至年終連月陰雨忽暖忽寒罕見晴明冬至後微有霰雪番薯不能成收麥亦不能下種農甚苦之十二月雨雪間作寒沍特甚四年正月仍多雨計一月僅晴六日鹽極貴每





斤至百錢

是時蒙 部文 題准 永樂瑞泰四縣均嚴在

二月初三夜虎躍城入縣署後院更夫猝遇驚

呼羣起逐之仍躍重垣而去

是月縣關在出示 糧每兩加錢百文

本年四鄉米仍貴以上冬請無獲故也

時有飢 民百餘

無力耕作請給護牌出 外游食 縣在給之

六月旱仕祥石龍潭有大魚四五頭浮出長約

丈餘故老相傳嘉慶某年亦曾浮起後有大水

云

溫

分疆錄卷之十 終



溫州府圖書館